



Vol. 27 Outubro-Dezembro

OJE 2022 ba FDCH Millaun \$12 Hetan Aprovasaun

iha Diskusaun Espesialidade iha PN



Lia Menon



Sr. Longuinhos dos Santos M.M.

Presidente do CA-FDCH e
Ministro do Ensino Superior,
Ciéncia e Cultura - MESCC

Maluk timoroan sira hotu neébé namkari iha territóriu tomak. Hau orgullu tebes bainhira hatene katak Fundo de Desenvolvimento do Capital Humano (FDCH) sempre nakloke ba públiku atu hato'o informasaun sira kona-bá atividades no sa-ida deit mak FDCH halo kada trimestre. Hau sente orgullu tanba promove ona transparênsia ba públiku liu husi meius komunikasaun ida hanesan neé (buletin).

Aproveita ho ida-neé, hau hakarak hato'o katak edukasaun no formasaun sai hanesan prioridade atu hadia husi ita nia povo nia moris liuhusi kresimentu no dezenvolvimentu ekonómiku iha ita nia nasaun, atu nune'e sidada-un sira bele hetan rendimento médiu-áltu. Atu to'o ba ida-neé, ita presiza prepara rekursu umanu sira neébé kualifikadu, mak sai hanesan prioridade boót ba Timor-Leste, atu bele dezenvolve Nasaun no bele hamenus ita-nia dependénsia ba reseita mina-rai.

Programa Governu Konstitusionál daualuk (VIII) liu husi hau nian Ministériu, fó atensaun ba kapasitasaun rekursu umanu ho kualidade di'ak, atu garante sustentabilidade ba moris nasaun nian. Programa hirak neé, iha área Ensinu Superior, halo referénsia ba medida importante sira neébé relaciona ho bolsas estudu, reforso ligasaun entre setór privadu no instituisaun sira Ensinu Superiör, no mós parseries ho nasaun ASEAN no CPLP no nasaun sira-seluk ba área formasaun no kapasitasaun nian.

Iha tinan 2021 neé ita konsegue hetan susesu boot mak hanesan Avaliasaun ba Servisu FDCH nian, iha Etapa daruak husi tinan 2015-2020 no programa ida neé, realiza tanba servisu hamutuk ho Instituto Nacional Ciéncia e Tecnologia (INCT).

Ita konsegue mós kria Diploma Ministeriál foun lubuk ida, neébé liga ba Bolsa Estudu sira, hanesan Diploma Ministerial nº. 9/2021 de 10 de Março kona-ba regulamentu atribuisaun Bolsa estudu ba membru familia kbi'it laek neébé maka freuenta Ensinu Superior Nasional no sei hetan finansimentu husi Fundo de Desenvolvimento do Capital Humano. Bolsa Kbi'it laek neé mós daudaun neé ita implementa ona, no iha tinan oin 2022 sei kontinua hikas halo rekrutamentu foun ba bolsa kbit láek neé, aleinde neé, iha ona mós Diploma Ministerial nº. 77/2021 de 10 de Novembro kona-ba regime atribuisaun bolsa estudu no investigasaun científika iha estranjeiru no regulamentasaun pedidu individuais ba apoiu finansimentu ba estudu ensinu superior iha estranjeiru, neébé iha artigu 3º temi kona-ba bolsa, artigu 4º bolsa parsial no artigu 5º estájiu profissional. Konsegue produs mós Diploma Ministerial nº. 78/2021 de 10 Novembro kona-ba regime atribuisaun bolsa estudu ba méritu ba frekuensia iha territóriu nasional no regulamentasaun pedidu individuais ba apoiu finanseiru estudu iha ensinu superior akreditadu nasional, neébé haktuir mós iha Artigu 3º kona- ba bolsa estudu, artigu 4º Kona-ba Bolsa Parsial, Artigu 5º kona-ba Estájiu Profesional. Maibe ita iha ona mós Diploma Ministerial nº 79/2021 de 17 de Novembro, kona-ba regimentu internu ba Fundo de Desenvolvimento do Capital Humano (FDCH), regra ba funcionamentu Konsellu Administrasaun no prosidementu Ezekusaun. Ho Diploma sira neé maka sei fo biban liu ba ita atu realiza programa sira hotu tuir regras no prosidementu. Programa sira neé hotu ita sei implementa iha tinan 2022 mai, tanba Orsamentu Jerál Estadu (OJE) ba tinan 2022 nian hetan ona aprovasaun iha loron 14 fulan Dezembru tinan 2021.

Kona- ba Bolsa Estudu nian, ita presiza assegura katak, ita nian política sei fó resposta ba área estratégika iha dezenvolvimentu no garante asesu, bazeia ba programa espesífiku sosíal sira. Nomós ita presiza assegura katak bolsa estudu neébé ita hetan iha duni ligasaun ho Estudu mapeamento rekursu umanu neébé FDCH halo hela ona.

Ita hotu presiza hakbi'it ligasaun entre instituisaun ensinu superiör akreditada nian, públika no privada, atu nacionál no internasional sira neébé iha kualifikasaun, ho objetivu atu assegura aliñamentu entre oferta edukasaun nian no nesesidade sira.

Estabelesimentu Fundo de Desenvolvimento do Capital Humano iha país ida-neé importante tebtebes atu bele assegura no dezenvolve rekursu umanu timoroan sira hotu ba ohin loron, no garante kualidade rekursu umanu ba futuru ka ba tempu tuir mai, Tanba ita hotu hatene katak investe iha dezenvolvimentu kapital umanu importante liu, no iha valór ás liu iha nasaun neébé deit.

Iha Timor-Leste, hau orienta ona ba FDCH atu bele haluan tan ninia demografia servisu nian, nune'e bele garante partisipasaun timoroan sira ba fundus ida-neé. Tanba importante atu define política dezenvolvimentu rekursu umanu sira iha munisípiu tomak ho oportunidade no númerus beneficiarius neébé hanesan.

Atu taka, hau dejeu ita-boot sira atu akompanha no le'e nafatin informasaun sira iha boletim ida-neé ho diak, atu nune'e bele kumpriende no hatutan tan informasaun hirak neé ba ema seluk. No la haluha hau hato'o mós Boas Festas Santo Natal no Felis Ano Novo ba ita boot sira hotu.

S.E. Sr. Longuinhos dos Santos M.M.
Presidente do CA-FDCH e
Ministro do Ensino Superior, Ciéncia e Cultura - MESCC

Lia Menon



Hermenegildo da Silva, MdP
Diretor Executivo do
FDCH - MESCC

Loron diak sani na'in Bulletin Trimestral FDCH nian, ksolok tebes bele kumprimenta ita boot sira liu husi meus komunikasaun ida ne'e ho esperansa katak ita boot no mós família hotu kontinua saudavel.

Hanesan ita hotu hatene katak durante tinan 2020 to'o mai ohin loron ita hasoru situasaun estadu emerjénsia tanba kauza husi propagasaun virus ne'ebé obriga ita nia Governu tengki foti desizaun sira hotu hodi aplika Serka sanitaria inklui komfinamentu obrigatóriu.

Meus sira ne'ebé implementa ho razaun ida deit maka oinsá bele kombate virus ne'e rasik no rekursu ikus liu maka ita hotu tengki hakbesik an ba iha sentru saude sira hodi bele simu vasina atu bele evita daet husi COVID-19 ne'e rasik no ida ne'e mós sai núdar rekezitus ida hodi nun'e fasilita ba ita nia movimentasaun no moris lor-loron nian.

Solisita nafatin ba ita hotu atu kumpre nafatin regra sanitária ne'ebé rekomenda husi Ministériu Saúde no mós Organizasaun Mundial Saúde to'o wainhira ita bele atinje ona persentájen vasinasaun ne'ebé aas hanesan Nasaun sira seluk.

Iha oportunidade ida ne'e, hakarak hato'o mós hau nia agradese boot ba komfiansa ne'ebé maka atribui ona mai atan hau liu husi desizaun Konsellu Administrasaun FDCH ne'ebé maka realiza iha loron 26 fulan Jullu tinan 2021 ne'e hodi bele lidera FDCH. Komfiansa ne'ebé atribui mai ne'e laos preveleizu ida ka oportunidade ida maibé ne'e núdar misaun importante ida atu oinsa bele alkansa objetivu no interesse hodi nune'e dezenvolve rekursu umanu iha ita nia nasaun doben ida ne'e bazeia ba programas no planu sira ne'ebé maka iha ona.

Iha trimestre ida ne'e, mesmu iha situasaun estadu emerjencia nia laran, serka sanitaria no komfinamentu obrigatoriu nia laran maibé iha servisu lubuk ida maka konsege realiza, ida ne'e ita bele haree husi realizasaun ba iha programa Bolsa Hakbi't ne'ebé maka nia alvu ne'e ba Kbi'it laek nia oan sira ne'ebé mak ihaabilidade intelektual, ST-FDCH mós halo Kooperasaun ho INCT hodi realiza Estudu Avaliasaun ba programa FDCH nian husi tinan 2015-2020 no mós programa Ezistente sira hotu. Husi ST-FDCH mós kontinua halo monitorizasaun ba iha sentru formasaun sira no ba Liña Ministeriál sira ne'ebé maka realiza hela formasaun teknika no servisu atendimento ba pagamentu ba Benefisiariu sira no parseiru sira inklui servisu importante sira seluk.

Núdar Diretor Ezekutivu ba iha Fundo de Desenvolvimento do Capital Humano, solisita nafatin ba funsionariu sira hotu iha ST-FDCH atu nune'e kontinua hatudu prestasaun servisu, mantein disciplina ba iha oras servisu nia, disciplina iha fati servisu, respeita malu no responsabiliza ba servisu sira ne'ebé maka atribui ba ita idak-idak.

Ikus liu, agradese ba sani nain Bulletin Trimestral FDCH nian ne'ebé maka sempre akompañia publicasaun sira ba atividade tomak ST-FDCH atraves Bulletin Trimestral durante ne'e, no fiar katak informasaun sira ne'ebé maka equipa Media FDCH prepara iha Bulletin Trimesral ida ne'e bele sa'i núdar informasaun ne'ebé importante ba sani na'in sira no bele responde sani na'in sira nia ezizensia hodi konsumu informasaun sira relasiona ho atividade tomak ST-FDCH nia liga ba iha programa prinsipál ne'ebé maka iha hanesan Bolsa Estudu, Formasaun Teknika, Formasaun Profesional no Tipu Formasaun Seluk.

Obrigadu.

Sr. Hermenegildo da Silva, MdP
Diretor Executivo do FDCH-MESCC

2. Lia Menon Ministru MESCC
3. Lia Menon Diretor Ezekutivu FDCH
4. Editorial
5. OJE 2022 ba FDCH Millaun \$12 Hetan aprovaasaun iha PN
8. FDCH- INCT Lansa Programa Estudu Avaliasaun ba Servisu FDCH Etapa II 2015-2020
10. Embaixador Foun Brazil ba TL halo Vizita mai FDCH
12. TL ho Japaun Estabelese Akordu Kooperasaun da haat ba Projeto Human Resources Development Scholarship JDS
18. Relatório Ezekusaun Orsamentu
19. Liñas Ministeriais Akreditadus
22. Kriteius Bolsa Estudu
26. Lensa FDCH
34. Perfil FDCH

Responsável Jerál :

Hermenegildo da Silva, MdP Diretor Ezekutiva FDCH

Responsável Gabinete Jestaun Sistema Informasaun

Henrique do Rosario (Koordenador GAGESI)

Responsável Redasaun:

Maxi Boavida (Chefe Departamento Media no Relasaun Pública)

Editor : Maxi Boavida & Joanic D. Guterres

Editor Textu : Joanic D. Guterres

Jornalista & Fotógrafo : Joanic D. Guterres, Maxi Boavida, Rui A.F. da Silva

Grafismu & Layout : Maxi Boavida & Joanic D. Guterres,

Responsável Gabinete Aprovisionamento no Logistika

Eusebio Barreto (Koordenador GAPLO)

Responsável Aprovisionamento

Domingos Fernandes (Xefi Dep. DEAP)

Secretariado Técnico

Fundo de Desenvolvimento do Capital Humano (FDCH)

Eis Edifício do MF Edifício 5, 10 Andar, Palácio do Governo, Dili, Timor-Leste .

website: www.fdch.gov.tl

youtube : FDCH-MESCC

fanpage facebook: Fundo de Desenvolvimento do Capital

Humano - FDCH

email: info@fdch.gov.tl

BULLETIN TRIMESTRAL DO FDCH

PROPRIEDADE:

Secretariado Técnico do

Fundo de Desenvolvimento do Capital Humano (FDCH)

IMPRESSÃO: Grafica Nacional, Lda

Estrada de Taibesi Dili, Timor-Leste

TIRAGEM: 700 Exemplares

EDIÇÃO: Julho - Setembro de 2021

DIREITO DE AUTOR: Protegido

PUBLICAÇÃO:

Secretariado Técnico do FDCH

Tinan 2021 Secretariado Técnico Fundo de Desenvolvimentu do Capital Humano atinje progresu lubuk ida ne'ebé signifikativu iha prosesu dezenvolvimentu ba Rekursus Umanus Nasional nian maske besik tinan tomak ita hasoru surtu Covid-19 .

Maske iha situasaun defisil Surtu Covid-19 FDCH konsege jere no finansia programa dezenvolvimentu rekursus umanus hosi liña Ministerial no ajénsia autónoma estadu nian hamutuk 16 ne'ebé akreditadu ho sus- esu iha política ba dezenvolvimentu rekursus umanus ninian.

Progresu signifikativu seluk ne'ebé Sekretariadu Tékniku FDCH atinje iha tinan ne'e mak konsege finaliza ona estudu avaliasaun ba serivsu FDCH nian durante tinan 5 (2015-2021), dokumentu ne'e daudaun ne'e sei elabora husi INCT, no sei lansa iha tempu badak nia laan, dokumentu ne'ebe atu lansa sei sai hanesan baze ka mata dalam ida ba dezenvolvimentu rekursus umanus nível nasional no Munisipiu sira.

Iha tempu hanesan ST-FDCH kontinua esforsu maka'as hodi hadi'a di'ak liután kooperasaun ho liña ministerial no instituisaun autónoma estadu sira hodi garante kualidade ezekusaun ba programa tomak ne'ebé finansia hosi FDCH, FDCH mós mantein nafatin koordenasaun di'ak ho LMs hodi kontinua haree ba planu no programa tomak ne'ebé korresponde ho dezenvolvimentu rekursu umanus iha tinan 2022 nian.

Iha tinan 2021 FDCH mós konsege implementa bolsa estudu foun ho naran bolsa hakbi'it ne'ebé maka prioridadi liu ba timoroan sira ne'ebé maka iha kapasidade intelektual maibé defisil iha finansiamantu ka in-an-aman forsa lato'o. Programa ida ne'e sei kontinua hikas iha tinan 2022 no equipa inskrisaun sira husi ST-FDCH no MESCC sei tun hikas ba baze hodi halo inskrisaun.

Aproveita momentu ida ne'e FDCH hakarak mós hato'o deseju Natal no tinan foun 2021 nia ba Sani Nain sira ne'ebé konsege fó ona minutu balun hodi le'e informasaun ne'ebé divulga hosi Bulletin Trimestral FDCH nian ne'e.

Redasaun mós hakarak hato'o agradese ba parte hotu iha sekretariadu FDCH ne'ebé kontribui ona ba informasaun hirak ne'e. Ikus liu Bulletin FDCH volume XXVII ne'e nafatin hanesan meius alternativu ida hodi halo komunikasaun entre parte kompetente no hanesan meius ida hodi hato'o progresu no dezafiu servisu FDCH nian.

Nudár ema, redasaun rekoñese katak bulletin ne'e sei dook hosi perfeitu no agradese tebes ba kritika no sujestaun ne'ebé mai hosi sani na'in sira. Obrigado Barak.

OJE 2022 ba FDCH Millaun \$12 Hetan Aprovasaun iha Diskusaun Espesialidade iha PN



Orsamentu Jeral Estadu 2022 ne'ebe aloka mai FDCH iha 2022 kontinua tau prioridade ba dezenvolvimentu rekursus umanus nasaun nian liu husi formasaun no bolsa estudu iha area estratejiku sira tuir nesesidade no prioridade nasaun hodi lori moris di'ak ba sidadaun sira haktuir Planu Estratejiku Dezenvolvimentu Nasional ne'ebe Timor-Leste hatuur nu'udar matadalan ba dezenvolvimentu.

O rsamentu Jerál Estadu (OJE) 2022 ba Fundo de Desenvolvimento do Capital Humano (FDCH) ho montante millaun \$ 12 ne'ebé sei finansia programa sira FDCH nian hetan aprovasaun iha diskusaun espesialidade iha Parlamentu Nasional ho Votus a favor 44, Abstensaun 15 no kontra 1, iha sala Plenaria Uma Fukun Parlamentu Nasional loron 14/ 12/ 2021.

OJE FDCH ba tinan 2022 sei kontinua finansia programa prinsipal haat (4) ne'ebé FDCH iha hanesan:

1). Formasaun Profisionál ho orsamentu \$ 1,027,800.00 ne'ebé sei finansia formasaun ba foin'sae sira iha lian Korea

ho Ingles hodi prepara sira ba servisu iha rai li'ur, orsamentu ne'e FDCH finansia liu husi Sekretariu Estadu Formasaun Profisionál no Empregu (SEFOPE).

2). Formasaun Téknika ho Orsamentu \$3,567,543.00 ne'ebé sei finansia programa no atividade ba Instituisaun akreditadu hamutuk 12.

3). Bolsa Estudu ho orsamentu \$ 6,533,064.00 ne'ebé sei finansia programa bolsa estudu ezistente iha rai-laran, rai-li'ur no bolsa Parsial, bolsa Hakbi'it, Bolsa ba públiku tuir meritu no bolsa ba estudu ba dosente sira husi ensinu superior privadu, no

4.) Tipu Formasaun seluk ho orsamentu

\$ 871,593.00 ne'ebé sei finansia atividade Apoiu subsídiu pedidu individuais, Programa estajiu profisionál, Estudu no peskiza no Kustu operasional.

Ho orsamentu ne'ebé hetan ona aprovação husi Parlamento Nasional iha tinan 2022 sei finansia atividade 62 no sei beneficia timoroan hamutuk na'in 56298, husi número ne'e feto 28014 no mane 28284.

Tuir dadus ne'ebé rejista hahú husi ejistensia FDCH nian tinan 10 hahú husi 2011-2021 rejista beneficiariu ba programa haat (4) FDCH nian hamutuk beneficiariu 88337 ne'ebé fahe ba kada programa hanesau formasaun Profisional ho beneficiariu 34855, formasaun teknika ho beneficiariu 34438, Bolsa Estudu 6401 no Tipu formasaun seluk ho beneficiariu 12643.

Entreatnu orsamentu FDCH nian ba tinan fiskal 2022 ho montante millaun \$12 kompara ho tinan anterior 2021 hetan redusaun orsamentu \$ 995,000.00 kompara ho tinan 2021 nian maske nun'e ladun afeita ba programa sira ne'ebé ejiste ona.

Aliende ne'e ezekusaun orsamentu FDCH iha tinan fiskal 2021 ho montante millaun \$12.9 to'o iha fulan Dezembro ne'e FDCH ninia persentajen ezekusaun atinje porsentu 79.4 %. (**)



FDCH Partisipa iha Audiénsia Pública ho Komisaun G ho C Parlamentu Nasional

Fundo de Desenvolvimento do Capital Humano (FDCH) partisipa iha audiencia pública ho komisaun G Parlamentu Nasional ne'ebé trata asuntu Edukasaun, Juventude, Kultura no Sidadania ho Koisaun C ne'ebé trata asuntu Finansas Pública hodi apresenta proposta orsamentu FDCH 2022 no ezekusaun ba programa no orsamentu FDCH tinan 2021 nian.

Audiencia pública ne'ebé realiza iha loron ne'ebé diferente ne'e, Diretor Executivo FDCH Sr. Heremegildo da Silva apresenta ba deputadu sira kona-bá ezekusaun orsamentu FDCH 2021 no proposta Orsamentu FDCH 2022 ne'ebé sei kontinua finansia programa prinsipál haat ne'ebé FDCH iha hanesau formasaun profisionál, Formasaun Técnica, Bolsa Estudu no Tipu Formasaun seluk.

Orsamentu FDCH ba tinan 2021 ho montante millaun \$

12,995 no proposta orsamentu FDCH nian ba tinan 2022 ho montante millaun \$ 12, iha orsamentu 2022 nian ba FDCH hetan redusaun orsamentu \$ 995,000.00 kompara ho tinan 2021 nian.

Audiencia pública ne'e prezide husi presidente komisaun G Deputadu Antonio Verdial no hetan partisipasaun massimu husi deputadu sira membru komisaun G nian hodi fó comentariu no sujetaun ba ezekusaun programa sira ne'ebé FDCH iha.

Prezidente komisaun G Deputadu Antonio Verdial hattete ohin oportunidade di'ak ba Komisaun G ne'ebé trata asuntu Edukasaun, Juventude, Kultura no Sidadania bele hasoru malu ho FDCH, komisaun G husu ba Fundo de Desenvolvimento Capital Humano mezmu ezekuta orden mai husi Konsellu Administrasaun maibe komisaun husu atu identifika didi'ak espesialmente identifika rekursus umanus ne'ebé Governu gasta osan haruka ba eskola ho mehi ida katak wainhira sira eskola remata sira tenke sai

produtu ida ne'ebé di'ak ba instituisaun ida ne'ebé haruka sira ba eskola.

"La bele hanesan maluk balun timoroan ne'ebé uza osan Fundu Desenvolvimento Capital Humano nian ba tiha eskola fila fali mai la servisu iha instituisaun ne'ebé haruka sira ba maibe sira servisu fali ba iha ajensia estranjeiru sira," hatete Prezidente Komisaun G.

Komisaun G husu mos ba FDCH atu identifika didi'ak maluk funu nain sira liu-liu veteranus sira nia oan ne'ebé hetan bolsa estudu husi governu tanba tuir dadus ne'ebé komisaun G hetan balun la loos maibe hotu-hotu mai dehan ne'e ida ne'e nia oan.

Nomos atu halo peskiza ba familia hirak ne'ebé Kbiit laek, atu nune'e ita fó osan ne'e fó duni osan ba ema ne'ebé la iha kapasidade orsamentu hodi haruka oan sira ba eskola.

Futuramente ami mós husu atu FDCH tenke servisu ha-mutuk didi'ak atu nune'e bele hamosu produtividade di'ak ba NASAUN ho mehi katak ita
hetan rekursu ne'ebé ho kualidade no iha kapasidade hodi servi ba NASAUN no ba povu Timor-Leste.

Audiensia ne'e prezide husi Prezidente Komisaun G, Deputadu Antonio Verdial no hetan partisipasaun masimu husi deputadu sira membru komisaun G nian.

Akompanha Diretor Ezekutivu FDCH partisipa iha audiensia ne'e Koordenadór sira FDCH nian, Asesora Teknika FDCH no Jurista FDCH.

Nune'e, mos iha loron 17 Novembru 2021 Diretor Eze-



kutivu Fundo de Desenvolvimento do Capital Humano (FDCH) Sr. Hermenegildo da Silva kontinua partisipa iha audiensia publiku ho Komisaun C Parlamentu Nasional ne'ebé trata asuntu Finansas Pública iha sala Plenaria Parlamentu Nasional hodi apresenta planu orsamentu FDCH 2022 no ezekusaun atividade no orsamentu FDCH tinan 2021 nian.

Audiensia pública ne'e prezide husi presidente komisaun C deputada Maria Angélica Rangel no hetan partisipasaun masimu husi deputadu sira komisaun C nian.

Iha intervensus prezidente komisaun C deputada Maria Angélica Rangel husu ba governu atu osan maka'as liutan iha dezenvolimentu rekursus umanus Timor-Leste nian hodi prepara timoroan sira servisu iha setór importante sira ne'ebé NASAUN presiza.

Akompanha diretór partisipa iha audiénsia ne'e koordenadór sira husi FDCH, asesora teknika FDCH no jurista FDCH. (**)



FDCH- INCT Lansa Programa Estudu Avaliasaun ba Servisu FDCH Etapa II 2015-2020



Atu hatene impaktu no progresu servisu sira finansimentu governu nian ba dezenvolvimentu rekursus umanus iha area formasaun no bolsa estudu liu husi Fundo de Desenvolvimento do Capital Humano (FDCH) iha tinan ne'e FDCH ho Instituto Nasional Ciência e Tecnologia lansa programa estudu avaliasaun ba projetu no programa sira FDCH nian etapa II 2015-2020.

Lansamentu ba estudu avaliasaun ne'e raliza iha loron 25 Outubro 2021 ne'ebé lansa husi Diretor Ezekutivu FDCH Sr. Hermenegildo da Silva, akompanha husi Vise Presidente I Konsellu Ezekutivu Instituto Nacional Ciência e Tecnologia (INCT) Dr. Valentim Ximenes ho Diretor Nasional Estatística, Sr. Silvino Lopes, iha salaun Knowledge Center Palacio do Governo.

Estudu Avaliasaun daruak ba Rezultadu no Impaktu Programa FDCH 2015-2020 ne'e sei hala'o husi INCT no hetan mós tulun husi Diresaun Nasional Estatística Ministeriu Finansas liu husi apoiu tablet ba peskizador sira hodi halo entevista ho benefisiariu sira.

Iha diskursu Diretor Ezekutivu FDCH Sr. Hermenegildo da Silva hatete avaliasaun ba programa FDCH nian im-

portante tebes atu hatene progresu sira ne'ebé durante ne'e FDCH atinje liu husi programa haat ne'ebé iha hanesan formasaun Teknika, Formasaun Profisional, Bolsa Estudu no Tipu Formasaun Seluk.

Tanba ne'e ho lansamentu ne'e atu hatudu ba publiku katak FDCH realiza daudaun atividade avaliasaun ba programa sira ne'ebé implementa tiha ona hodi sukat ninia rezultadu too iha ne'ebé no ninia frakeza ne'e iha ne'ebé.

"Ho lansamentu ne'e atu hatudu ba pubbliko no pubbliko bele hatene katak ita halo buat ruma ne'ebé iha ligasaun ho atividade avaliasaun ba programa FDCH nian ne'ebé servisu hamutuk ho INCT no Diresaun Jeral Estatística tanba ne'e peskizadór sira sei hakat ba instituisaun akreditadu sira ne'ebé benefisia ba programa FDCH hodi halibur informasaun husi benefisiariu sira ne'ebé durante ne'e sai ona benefisiariu ba FDCH," hatete Diretor Ezekutivu FDCH.

Vise Presidente I Konsellu Ezekutivu INCT Dr. Valentim Ximenes hatete hafoin liu tiha prosesu naruk ida ohin instituisaun rua konsege lansa peskiza konjunta entre instituisaun rua no husu ba peskizadór sira atu impletamenta matenek ne'ebé antes ne'e peskizadór sira hetan ona iha formasaun.

Peskizador hamutuk na'in 40 ne'ebé ho pozisaun Asistente Tékniku ne'e sei ajuda peskizadór senior na'in rua hodi halibur dadus no informasaun sira relasiona ho estudu no avalaisaun ba servisu FDCH nian etapa II 2015-2020 nian.

Hafoin lansamentu ekipa peskizadór hahú kedes halo vizita ba instituisaun beneficiariu sira ne'ebé akredita mai FDCH hodi halo entrevista no halibur informasaun sira kona-bá progresu servisu ne'ebé FDCH iha durante ne'e no rekomendasau sira ba servisu FDCH nian iha futuru.

Programa estudu avaliasaun ba epata primeiru 2011-2014 halaó tiha ona iha tinan 2015 no ba etapa segundu ne'ebé kobre husi 2015-2020 foin mak realiza tanba haree mos ba situasaun pandemia mundial ne'ebé na-saun hotu enfrenta inklui Timor-Leste.

Partisipa iha lansamentu ne'e, Koordenadór sira husi Sekretariadu Tekniku-FDCH, peskizadór sira, ekipa tekniku husi Sekretariadu Tekniku-FDCH no INCT.

Dissemina Informasaun ba Lina Ministerial no Instituisaun Estadu Akreditadu Sira

Molok halo lansamentu ba estudu avaliasaun ne'e iha loron 01 Outubro 2021, Fundo de Desenvolvimento do Capital Humano (FDCH) ho Instituto Nacional Ciência e Tecnologia (INCT) dissemina informasaun kona-bá Estudu Avaliasaun Daruak ba Rezultadu no Impaktu Programa FDCH 2015-2020 ba diretór Jerál, Diretór Rekursu Umanu no pontu fokál sira husi Liña Ministeriál no instituisaun estadu akreditadu sira, iha salaun enkontru Knowledge Centre, Edifisiu número 5, Palacio do Governo.

Objetivu husi disseminasaun informasaun ne'e atu informa no koordena ho Liña Ministeriál no instituisaun estadu akreditadu sira ne'ebé benefisia ba programa FDCH molok enumeradór sira tun ba terenu halo peskiza ba estudu avaliasaun FDCH periódus 2015-2020.

Diretór Ezekutivu FDCH Sr. Hermegildo da Silva hatete Avaliasaun ba servisu FDCH nian dala uluk 2011-2014 realiza tiha ona no ba período daruak seidauk realiza tanba ne'e atu realiza estudu avaliasaun ne'e kooperasaun no koordenasaun ho Liña Ministerial no Instituisaun estadu akreditadu sira importante tebes tanba sira mak nu'udar na'in ba beneficiariu sira ne'ebé benefisia ona fundu husi FDCH liu husi progama haat ne'ebé FDCH iha hanesan formasaun Profisionál, Formasaun Tékniku,



Bolsa Estudu no Tipu Formasaun seluk.

Partisipa iha atividade disseminasaun ne'e Vise Presidente Konsellu Ezekutivu II INCT. Dr. Augosto Soares, Koordenador sira iha ST-FDCH, Peskizadór sira, durante disseminasaun hetan partisipasaun masimu husi diretór rekursu umanu no pontu fokál sira husi lina ministerial no instituisaun estadu akreditadu sira no hetan mós imput no sujestaun di'ak husi Diretór no pontu fokal sira ne'ebé prontu atu kolabora ho FDCH no INCT bainhira realiza estudu avaliasaun daruak ne'e.

Estudu avaliasaun ne'e nu'udar meius ida atu sukat no hatene kona-bá progresu sira ne'ebe atinje ona durante ne'e no atu haree mos dezafiu sira ne'ebe FDCH enfrenta.





Embaixador Foun Brazil ba TL halo Vizita mai FDCH

Diretor Ezekutivu Fundo de Desenvolvimento do Capital Humano (FDCH) Sr. Hermenegildo da Silva simu iha ninia gabinete iha loron 05 Outubro 2021, vizita ida husi Embaixadór Brazil ba Timor-Leste Sr. Mauricio Medeiros de Assis hodi ko'alia kona-bá kooperasaun iha futuru liga ba progama bolsa estudu ba timoroan sira.

Embaixador Brazil ba Timor-Leste Sr. Mauricio Medeiros de Assis hatete nia parte mai hasoru FDCH atu halo introdusaun nu'udar embaixadór foun no iha interesse atu hatene kona-bá programa FDCH nian liu-liu ba programa bolsa estudu ba timoroan sira ne'ebé atu ba hala'o estudu iha rai-li'ur no apresenta mós programa bolsa estudu rua hanesan Programa de Estudantes Convenio de Graduação (PEC-G) ho nível estudu lisensiatura no Programa de Estudantes Convenio de Graduação (PEC-PG) ho nível estudu mestradu ho doutoramento ne'ebé Governu Brazil atribui ba sidadaun rai seluk hodi ba hala'o estudu iha universidade sira iha Brazil.

Diretor Ezekutivu agradese ho vizita embaixadór nian mai iha FDCH hodi buka hatene servisu sira ne'ebé FDCH iha hahú husi ninia ejistiensia iha 2011 mai to'o ohin loron, durante enkontru Diretor Ezekutivu FDCH halo esplikasaun kona-bá programa ejisténsia FDCH nian no programa prinsipál ne'ebé iha hanesan formasaun profisional, For-

masaun Téknika, Bolsa Estudu no Tipu Formasaun seluk .

Kona-bá bolsa estudu durante ne'e timoroan barak mak hili nasauan Brazil hodi kontinua sira ninia estudu iha area oin-oin tanba ne'e FDCH nakloke hodi servisu hamutuk ho parte hotu hodi apoiu ba dezenvolvimentu rekursus umanus Timor-Leste iha setór oin-oin hodi kontribui ba dezenvolvimentu nasauan nian no lori moris di'ak ba povu no ba nasauan.

Partisipa iha enkontru ne'e koordenadór GASEPA Sr. Aderito Soares, Koordenadora GAFRHI Sra. Josefina Gonçalves dos Nascimento. Koordenadór GAGESI Sr. Henrique do Rosario, Koordenadora Interina GAPPEFIV Sra. Maria Rosa Pinto, asesora téknika ST-FDCH Sra. Ana Paula dos Santos no ekipa téknika FDCH. (**)



FDCH- ANATL Deskute Programa Formasaun no Bolsa Estudu Foun iha 2022



Diretor Ezekutivu Fundu de Desenvolvimento do Capital Humano (FDCH) Sr. Hermenegildo da Silva, MdP akompaña husi Koordenador GASEPA Sr. Aderito Soares no Koordenadora Interina GAPPEFIV Sra. Maria Rosa hala'o enkontru ho Prezidente Konsellu Administrasaun Autoridade Navegasaun Aero Timor-Leste Empreza Pública (ANATL, EP), Sr. José Augusto Trindade no equipa iha sala enkontru Diretor Ezekutivu FDCH nian iha loron 23/11/2021 hodi ko'lia kona-bá programa formasaun no bolsa estudu ANATL nian iha tinan 2022.

Enkontru ida ne'e ko'alia liu kona-ba oinsa maka iha futuru FDCH bele oferese formasaun ba iha ANATL, EP, iha enkontru ne'e ANATL,EP ko'alia mós kona-ba sira nia rekursus umanus ne'ebé maka sira prepara ona atu sai núdar sira nia funzionariu liliu iha parte Aviasaun nian.

Iha oportunidade ne'e ANATL, EP hato'o mós sira iha plānu Bolsa Estudu ba públiku iha tinan fiskal 2022 ba Benefisiariu nain 6 ne'ebé sei ba hala'o estudu iha Poltekbang iha área Estudu Aviasaun nian no ida ne'e sai mós núdar preparasaun Rekursus Umanus atu responde ba politika Governu nia ne'ebé halo investimentu bo'ot ba Aero Portu Presidenti Nicolao Lobato. Iha oportunidade ne'e ANATL,EP mós husu atu nune'e sira bele ba halo monitorizasaun no avaliasaun ba Estudante nain 6 ne'ebé maka daudaun ne'e hala'o hela estudu iha Aviation Polytechnic (Poltekbang) Surabaya, Indonesia.

Entertantu Diretor Ezekutivu FDCH Sr. Hermenegildo da Silva, MdP iha nia intervensaun hato'o katak ko'alia kona-bá Formasaun entaun ANATL,EP tenke halo korde-nasaun ho INAP no mós Komisaun Funsaun Pública atu nune'e parte hotu bele hala'o servisu bazeia ba lei no kompetensia ne'ebé maka daudaun ne'e estabele ona alein ne'e kona-bá Bolsa Estudu Diretor Ezekutivu FDCH ne'e mós hatete katak ba oin maka sei haree hamutuk kona-bá asuntu ida ne'e. (**)

TL ho Japaun Estabelese Akordu Kooperasaun da haat ba Projetu Human Resources Development Scholarship JDS



Govenru Japaun kontinua apoiu maka'as badezenvolvimentu Timor-Lestenianihasetor oin-oin, dezdeprojetu Japan Development Scholarship (JDS) ne'e komesa ihatinan 2018 iha Timor-Leste, funzionáriu na'in 23 mak hala'o ona estudu no hala'o dadaun estudu iha Japaun. Husi sira ne'e hotu, na'in 6 mak kompleta ona sira nia estudu iha nível mestradu.

Diretor Ezekutivu Fundo de Desenvolvimento do Capital Humano (FDCH) Sr. Hermenegildo da Silva partisipa iha serimónia asinatura akordu kooperasaun ba programa Bolsa Estudu Japan Development Scholarship (JDS) ne'ebé tinan-tinan Governu Japaun fornese ba Funzionáriu Publiku sira hodi ba hala'o estudu ho nível mestradu iha universidade sira iha Japaun .

Akordu kooperasaun ne'e selebra husi Sua Exelensia Ministru Negosiu Estranjeiru no Kooperasaun (MNEC) Interinu Sr. Julião da Silva ho Embaixadór Japaun ba Timor-Leste Sr. Masami KINEFUCHI, iha Salaun IED MNEC loron 1/12/2021.

Iha oportunidade hanesan asina mós akordu doasaun ida ba JDS entre Sr. Julião da Silva ho Sr. Ko GOTO, reprezentante xefe husi ajénsia koperasaun internasional Japaun (JICA) iha

Timor-Leste.

Iha diskursu Embaixador Japun ba Timor-Leste Sr. Masami KINEFUCHI hatete, Objetivu husi projetu JDS ne'e mak atu suporta dezenvolvimentu rekursu humanu foka liu ba funzionariu foinsae' sira hodi sai lideransa iha futuru, no atu hanmetin parseria entre Japaun no Timor-Leste.

Desde projetu JDS ne'e komesa iha tinan 2018 iha Timor-Leste, funzionáriu nain 23 mak hala'o ona estudu no hala'o dadaun estudu iha Japaun. Husi sira ne'e hotu, nain 6 mak kompleta ona sira nia estudu iha nível mestradu.

Liu husi notas ne'ebé mak asina ona ohin loron, funzionárius nain 8 seluk sei selesionadu hodi ba hala'o sira nia estudu komesa tinan oin iha área administrasaun pubbliku, sistema

legal, saúde, edukasaun, turizmu, transporte, no desenvolvimento ambiental.

Diplomata ne'e hateten desenvolvimento rekursu umanu mak xave ba hari'i nasaun nian. Japaun oferece programa bolsa estudo barak ba povu Timor-Leste no ema na'in 2000 resin mak ba estuda ona iha Japaun, balu kurtu-prazu, balu longu-prazu.

Programa JDS ne'ebé mak foin kria ne'e sei fo oportunidade ba ofisais funtionariu foinsae sira hodi prepara sira sai lideransa inestimáveis ba futuru nasaun ida ne'e nian.

Ministru Negósiu Estranjeiru no Kooperasaun Interinu Sr. Ju-lião da Silva hodi Governu Timor-Leste nia naran agradese ba apoiu Governu Japaun nian iha area hotu-hotu durante ne'e no konsidera akordu kooperasaun ne'e importante tebes hodi forma rekursu umanu Timor-Leste nian ne'ebé nu'dar parte ida atu prepara rekursu umanu nasaun foun ne'e nian ne'ebé ohin loron iha hela faze preparasaun atu sai membru ASEAN.

Durante tinan 20 resin, Japaun apoiou ona Timor-Leste hari'i nasaun iha aspeitu oi-oin hanesan desenvolvimento infraestrutura.

FDCH Hola Parte iha Memburu Komite Operasaun Bolsa Estudu JDS

Fundo de Desenvolvimento do Capital Humano (FDCH) hetan previleju hodi hetan fiar no komfiansa husi Governu Japaun liu husi ninia Embaixada iha Timor-Leste no Japaun nia Ajénsia ba Dezenvolvimentu (JICA) hodi involve mós FDCH iha prosesu sira selesaun bolsa estudo JDS ba funtionáriu publiku sira ne'ebé iha interese atu ba hala'o estudo ho nível mestradu iha universidade sira iha rai Japaun.

Hafoin hetan tiha komfiansa ne'e, Diretor Ezekutivu FDCH nomeia Koordenadór Gabinete do Coode-nação e Execução de Programas e Projetos e de Gestão do Sistema de Informação (GAGESI-FDCH) Sr. Henrique do Rosário hodi reprezenta FDCH ba asuntu ne'e hodi bele hola parte iha posesu sira selesaun ba programa bolsa estudo ne'ebé Japaun oferece ba funtionáriu publiku foinsae timoroan sira kada tinan.

Nuné'e , iha loron 21 Dezembru 2021 koordenadór GAGESI reprezenta FDCH partisipa iha primeiru enkontru JDS Operation Committee (OC) ba Projeto Dezenvolvimentu Rekursus Umanus Bolsa Estudu 2021-2025 ne'ebé Fornese husi Governu Japaun liu husi programa Japan Development Scholarship (JDS), iha Timor Plaza.

Projeto dezenvolvimentu rekursu umanu bolsa estudo ho

tura, diversifikasião indústria no expansaun ba servisu sosiais sira.

Dezenvolvimentu rekursu umanu mak área asistensia ida ne'ebé importante tebes ba Japaun, tanba rekursu humanu mak fundasaun ba desenvolvimento no prosperidade nasaun ida nian.

To'o momentu ida ne'e, ema nain 2,000 resin mak konvidadu ona hodi partisipa iha kursu akadémiku no treinamento iha Japaun, no husi sira ne'e hotu, ema nain 117 mak hala'o ona estudo iha universidade Japones sira hodi hetan sira nia título akadémiku ida-idak (**)



fundu husi Governu Japaun ne'e hahú iha Timor-Leste iha 2018, to'o ohin loron benefisia ona timoroan na'in 24 ne'ebé nu'udar funtionáriu publiku permanente hodi ba hala'o sira nia estudo iha universidade sira iha rai Japaun, iha tinan ne'e sei kontinua haruka tan bolseiru na'in 8 ne'ebé pasa iha selesaun hodi ba hala'o sira nia estudo iha universidade sira ne'ebé sira hili durante tinan rua ho nível estudo mestradu (S2).

Memburu OC antes ne'e mak INAP, JICA, CFP, Ministeriu Ensino Superior no FDCH ho MNEC nu'udar membru foun ne'ebé foin hola parte iha tinan 2021. FDCH hola parte no nu'udar membru iha komite ne'e tanba durante ne'e FDCH finansia funtionáriu públiku barak mak ba hala'o sira ninia estudo iha nível oin-oin hahú husi diploma III to'o Doutoramento (S3) ne'ebé hala'o sira nia estudo iha nasaun oin-oin.

Aleinde membru ba komite operasaun JDS, ohin loron FDCH mós nu'udar membru ba komite operasaun programa bolsa estudo Australia Award Scholarship (ADS) ne'ebé tinan-tinan fó oportunidadeba timoroan sira ba hala'o estudo iha universidade sira iha Australia. (**)

CFP Entrega Planu Programa Formasaun no Bolsa Estudu 2022 mai FDCH- INAP



Diretor Ezekutivo Fundo de Desenvolvimento do Capital Humano (FDCH) Sr. Hermenegildo da Silva ho Diretor Jerál Instituto Nacional Administração Publica (INAP) Sr. Agostinho Letencio simu relatoriu Formulariu Proposta Atividade no Orsamentu (F-PAO) tinan fiskal 2022 neébé entrega direita husi Prezidenti Komisaun Funsaun Publika (KFP) Sr. Faustino Cardoso Gomes.

Relatoriu rekollamentu Planu Formasaun no Dezenvolvimentu neéé entrega iha ambitu enkontru Grupo Jestores Profisionais Rekursu Umanus (GJPRU) neébé realiza iha auditorium Ministeriu Justisa, Colmera, 02/12/2021, enkontru neéé ho partisipasaun husi koordenadora GJPRU Sra. Teresinha Ximenes, Diretor Rekursu Umanus, pontu fokál husi liña ministeriais no instituisaun estadu sira.

Ba tinan fiskal 2022 ho koordenasaun entre Komisaun Funsaun Publika (CFP) Sekretariadu Teknika FDCH no INAP rekolla dei't planu formasaun espesializada refere ba formasaun tékniku no area espesifiku tuir kompeténsia téknika husi kada instituisaun neébé ho estratéjia atu reforsta servisu tékniku instituisaun sira no sei esklui planu formasaun jenériku tanba jeralmente planu formasaun jenériku INAP rasik mak reprezenta no akomoda bazeia ba nesesidade administrasaun publika Timor-Leste.

Durante prosesu rekollamentu, ekipa simu planu formasaun no dezzenvolvimentu iha area espesializada hamutuk 227 neébé submete husi Liña Ministerial no Instituisaun Estadu Akreditadu sira, planu formasaun barak liu mai husi area

formasaun administrasaun ho total 106 ka ho persentajen 46%. atividade formasaun ki'ik liu mai husi area formasaun planemaentu, diplomata no legal ho total 1 FPAO kada area ka 0,4%.

Totál benefisiariu neébé planeadu husi instituisaun estadu sira atu partisipa iha fromasaun no bolsa estudu no assistensia estudu ba funcionariu públiku no ajente admiistrativu iha tinan fiscal 2022 hamutuk benefisiariu 5.199 . husi numeru neé fahe ba Formasaun nian ho benefisiariu 4. 757 Bolsa estudu 142 vagas, no assistensia estudu vaga 300.

Entretantu durante rekollamentu iha instuiusaun 23 mak la submete FPAO, ho rajaun okupadu no mudansa ba iha sira ninia estrutura.

FDCH kontinua apoiu no finansia formasaun no bolsa estudu ba funsináriu públiku sira neébé servisu iha administrasaun pubbliku no nu'udar servidor estadu hodi hasae sira ninia kapasidade noabilidade iha area oin-oin tuir nesesidade iha instuiusaun estadu idak-idak neébé sira haknaar-an ba.

Tuir dekretu lei numeru 13/2020 regulamentu FDCH nian atribui kompetensia ba CFP ho INAP mak iha kompetensia atu organiza no jere programa formasaun no bolsa estudu ba funcionariu pubbliku sira tanba CFP ho INAP mak nu'udar na'in ba funsinariu pubbliku sira neébe hala'o servisu iha lina ministerial no instituisaun estadu sira. (**)



UN-WFP Buka Oportunidade Kooperasaun ho FDCH



United Nation- Word Food Program (UN-WFP) esplora oportunidade kooperasaun ho Fundo de Desenvolvimento do Capital Humano (FDCH) hodi servisu hamutuk iha futuru liga ba progama formasaun espesializada sira ne'ebé atu fornese husi ajensia internasional ne'e ba funsionariu publiku sira iha instituisaun governu ho ajensia sira governu nian.

Iha loron 29 Novembro 2021, Diretor Ezekutivu FDCH Sr. Hermenegildo da Silva akompaña husi Koordenadór GAGESI-FDCH Sr. Henrique do Rosario no Koordinadora GAPPEFIV-FDCH Interina Sra. Maria Rosa Pinto realiza enkontru kortejia ida ho Sr. Jens Nylund – UN-WFP *Programme Policy Officer for Country Strategy Planning* no Sr.Jose Marcal – UN-WFP *Programme Policy Officer - Crisis Response* iha gabinete Diretor Ezekutivu nian iha Edifisiu número 5 Palacio do Governu.

Diretor Ezekutivu FDCH agradese ba disponibilidade WFP nian hodi hakat mai iha FDCH ,ho nune'e diretor halo introdusaun kona-ba servisu FDCH nian ne'ebe hahu husi ninia ejistensia iha 2011 mai to'o ohin loron

ho programa haat hanesan formasaun profisional, formasaun trknika, bolsa estudu no tipu formasaun seluk ne'ebe ho ninia alvu hodi forma foinsae timoroan sira iha area prioridade sira nune'e, bele kontribui masimu ba dezenvolvimentu nasau nia tuir Planu Estratéjiku Dezenvolvimentu Nasional ne'ebé Timor-Leste hatuut nu'udar matadalan ba dezenvolvimentu nasional.

Iha enkontru ne'e parte rua ko'alia liu kona-bá kooperasaun no servisu hamutuk iha futuru liu-liu iha programa formasaun sira iha area espésializada ne'ebé liga ho programa esensial ministériu no instituisaun estadu ididak nian ne'ebé antes ne'e iha ona kooperasaun ho WFP.

FDCH sujere mós ba WFP atu koordena mós ho Instituto Nacional Administração Publica (INAP) ho Comissão da Função Publica (CFP) bazeia ba dekretu lei número 13/2020 ne'ebé atribui kompeténsia ba CFP ho INAP hodi organiza programa formasaun ba funsionariu pubbliku sira ne'ebe halao knaar iha lina ministerial no institusaun estadu nian iha Timor-Leste.

FDCH nakloke hodi halo kooperasaun ho ajensia hotu ne'ebé kontribui ba dezenvolvimentu rekursus umanus iha Timor-Leste.(**)

Administradór Postu Administrativu na'in 27 hetan formasaun lideransa



Diretor Ezekutivu FundodeDesenvolvimento do Capital Humano (FDCH) Sr. Hermenegildo da Silva partisipa iha serimónia abertura formasaun Jestaun Lideransa Lokál iha Ambitu Desentralizasaun no Poder Lokál ba Administradór Postu Administrativu na'in 27 ne'ebé realiza iha Sentru Formasaun INAP Comoro.

Abertura ba formasaun ne'e hala'o husi Sua Exelensia Vise Ministru Administrasaun Estatal (MAE) Sr. Lino de Jesus Torrezão ne'ebé akompaña husi Diretor Jeral INAP Sr. Agostinho Letêncio de Deus, Diretor Ezekutivu FDCH Sr. Hermenegildo da Silva no Komisária CFP Sra. Maria de Jesus Sarmento.

Vise-Ministru Administrasaun Estatal iha nia diskursu hateten VIII governu konstitusional iha komprimisu atu kontinua implementa politika desentralizasaun administrativa ba munisipiu sira.

"VIII Governu Konstitusional iha kompromisu atu kontinua implementa politika Desentralizasaun

Administrativa, Governu aprova ona Rezolusaun Governu número 45/2020, 9 de Dezembru, konaba Ezekusaun Estratejia Desentralizasaun Administrativa no Instalasaun Orgaun reprezentativu Poder Lokál nian, atu hatete deit katak, lideransa ida ne'ebé d'ak mak lideransa ida ne'ebé matenek atu interpreta ho lolos kompetensia hirak ne'ebé atribui no hodi tau iha pratika serbisu lor-loron nian," hateten vise Ministru MAE.

Diretor Ezekutivu FDCH Sr. Hermenegildo da Silva iha ninia diskursu hatete, FDCH sei fó apoiu tomak ba programa formasaun no bolsa estudu ba funzionáriu públiku MAE nian hodi prepara sira niniaabilidade no kapasidade iha area oin-oin tuir nesesidade instituisaun nian hodi simu desenralizasaun administrativa no poder lokal, konsidera formasaun lideransa ba administadór postu sira importante tebes.

Formasaun ne'e hala'o hahú husi loron 15- 19 Novembro ne'e organiza husi MAE ho INAP no hetan finanziamento liu husi Fundo de Desenvolvimento do Capital Humano.
(**)

DE FDCH husu Extensionista sira Transforma Sistema Hakiak Ikan



Fundo de Desenvolvimento do Capital Humano (FDCH) ihatinan 2021 finansiaprograma formasaun espesializada tékniku hakiak ikan ba extensionista sira hamutuk na'in 74 neebé nu'udar funsináriu públíku iha Ministériu Agrikultura no Peska (MAP).

Formasaun Tékniku Epesializada hakiak ikan (Aquicultura) ba Funsináriu Extensionista ne'e hala'o ho etapa neebé realiza iha Instituto Nacional Pescas no Aquicultura (INPA) Maubara, Munisipiu Likisa no mós iha Centro Integrado Fatuquero, Railaco Munisipiu Ermera.

Formasaun espesifiku ba hakiak ikan ne'e organiza husi MAP ho Instituto Nacional de Administração Público (INAP) kada etapa ho durasaun durante semana rua ho partisipante husi extensionista ho minimu na'in 18 neebé mai husi munisipiu sira.

Diretor Ezekutivu FDCH Sr. Hermegildo da Silva husu ba extensionista sira hodi transforma sistema hakiak ikan iha sosiedade liu-liu iha sira ida-idak ninia munisipiu, diretor hatete ida ne'e bainhira partisipa iha abertura formasaun daruak neebé realiza iha INPA, Maubara, Munisipiu Likisa, husu ba partisipante sira atu partisipa iha formasaun ne'e to'o hotu nune'e bele lori matenek.

Nia dehan ohin loron iha munisipiu sira komunidade sira hahú menus hakiak ikan tanba ne'e husu ba extensionista sira atu kontinua enkoraza komunidade sira atu hakiak ikan iha idak-idak ninia munisipiu. FDCH kontinua servisu hamutuk ho parte hotu hodi asegura programa dezenvolvimentu ba rekursus

umanus hodi hasa'e timoroan sira nia konesimentu, Serimónia abertura ba formasaun ne'e hala'o husi Diretor Geral- PARM - MAP Sr. Acasio Guterres no hetan partisipasaun mós husi Diretor Jerál Pescas Sr. Horacio Amaral dos Santos Guterres, Asesor Sekretariu Estadu Pescas Sr. Guelerme dos Santos Bareto no patisipante sira formasaun nian.

Nune'e mós iha loron 18 Outubro 2021. Representante Fundo de Desenvolvimento do Capital Humano (FDCH) Sr. Eusebio A.G.G Barreto partisipa iha serimónia abertura ba programa "Formasaun Tékniku espesializada kona-bá Tekniku Hakiak Ikan ba Extensionista" ProgramaformasaunbafunsionáriuTéknikuExtensionista sira hamutuk na'in 20 neebé mak tuir formasaun tekniku espesializada kona-ba tekniku hakiak ikan ba extenxionista ne'e hala'o durante semana rua hahú husi 18 to'o 29/10/ 2021 iha Centro integrado Fatuquero, Railaco.

Kursu ne'e realiza tanba hetan apoiu finanseiru liu husi Fundo de Desenvolvimento do Capital Humano (FDCH). Sekretáriu Estadu das Pescas Sr. Elidiode Araujo iha abertura ba formasaun ne'e husu ba extensionista sira atu aproveita oportunidade ne'e ho di'ak atu nune'e bele aumenta sira nia koñesimentu di'ak liu-tan hodi kontinua sira nia dever núdar tekniku extensionista neebé di'ak liu iha futuru.

Sr. Eusebio A.G.G Barreto neebé representante Diretor Ezekutivu FDCH ba iha serimónia ne'e husu ba funsinariu Extensionista sira atu aproveita oportunidade ne'e ho di'ak nune'e, bele sai tekniku Extensionista neebé mak profisionál. (Média_FDCH)

Relatóriu Taxa Ezekusaun Orsamentu FDCH Janeiru- Desembro 2021

Tabela 1 Taxa Ezekusaun Orsamentu Tuir Programa

Kode	Tipu Programa	Orsamentu Alokadu 2021 (USD)	Total Despeza (USD)	Total Balansu (USD)	Persentajen (%)
304	Formasuan Profisionál	1,077,800.00	1,375,485.45	34,684.55	98%
313	Formasaun Téknika	3,146,451.93	1,611,493.10	1,100,451.87	59%
314	Bolsa Estudo	7,764,213.66	4,768,461.57	1,310,441.65	78%
315	Tipu Formasaun Seluk	1,006,533.00	2,476,072.43	317,909.38	89%
Total Orsamentu		12,995,000.00	10,231,512.55	2,763,487.45	79%

Tabela iha leten, hatudu taxa ezeusaun ba programa ha'at (4) durante tinan 2021, observa katak FDCH ezeuta ona 79% ne'ebé koresponde ho despeza USD **10,231,512.55**.

Tabela 2 Benefisiariu Formasaun bazeia ba Tipu no Jeneru

Nú	Programa	Númeru Feto	Persentajen (%)	Númeru Mane	Persentajen (%)	Númeru Total Benefisiariu
1.	Formasuan Profisionál	655	29%	1,637	71%	2292
2.	Formasaun Téknika	522	26 %	1,481	74 %	2003
3.	Tipu Formasaun Seluk	2218	52%	2014	48 %	4232
Númeru Totál		3395	40%	5132	60%	8527

Tabela 2 deskreve númeru Totál benefisiariu bazeia ba tipu programa no jeneru. Haktuir dadus nebe apresenta iha tabela, bele häre katak Totál benefisiariu hamutuk 8527, númeru benefisiariu mane hamutuk 5132 reprezenta 60% no númeru benefisiariu feto hamutuk 3395, reprezenta 40%.

Tabela 3. Tipu Benefisiariu Bolsas Estudu no Jeneru

Nú	Tipu Bolsa Estudu	Feto	Mane	Númeru Benefisiariu	Persentajen (%)
1.	Bolsas Estudu Kompletu (<i>Full Scholarship</i>)	653	613	1266	66%
2.	Bolsas Estudu Parsial (<i>Partial Scholarship</i>)	318	241	559	29%
3.	Outros Beneficiario	14	76	90	5%
Númeru Total		985	930	1915	100%

Tabela 3 apresenta númeru benefisiariu Bolsas Estudu bazeia ba tipu bolseirus hó númeru totál benefisiariu nain 1915. Distribuisaun númeru benefisiariu ba feto 985, no númeru Mane 930.

LIÑA MINISTERIÁL AKREDITADU IHA FDCH

Lista tabela 4. Instituisaun Ne'ebé Akreditadu husi CA- FDCH.

1.	Prokuradoria Jeral Republika (PGR)
2.	Ministériu Ensingu Superiór Siensia no Kultura (MESCC)
3.	Ministériu Justisa (MJ)
4.	Instituisaun Defesa Nasional (IDN)
5.	Ministériu Negóios Estrangeirus no Kooperasaun (MNEC)
6.	Ministériu Saúde (MS)
7.	Sekretaria Estadu ba Formasaun Profesional no Empregu (SEFOPE)
8.	Falintil - Força Defesa Timor - Leste (F-FDTL)
9.	Instituisaun Nasional Administrasaun Pública (INAP)
10.	Sekretaria Estadu Juventude no Despostu (SEJD)
11.	Sekretariadu Tékniku ba Fundu Dezenvolvimentu Kapital Umanu (ST-FDCH)
12.	Navegasaun Aéru Timor-Leste (ANATL)
13.	Instituisaun Nasional Formasaun ba Dosentes no Profesional Edukasaun (INFORDEPE)
14.	Sentru National Rehabilitasaun (CNR)
15.	Sekretária Estadu Igualdade no Inkluaun (SEII)
16.	Universidade Nasional Timor Lorosae (UNTL)

Tabela 5. Despezas Orsamentu bazeia ba Instituisaun no Númeru Benefisiariu

nu	Instituisaun	Orsamentu Alokadu	Viroment (+)	Viroment (-)	Orsamentu Depois Viroment	Total Despezas	Balansu	persentajen
1	SEPFOPE	1,077,800.00	332,370.00	-	1,410,170.00	1,375,485.45	34,684.55	98%
2	CNR	47,325.00	-	-	47,325.00	45,541.00	1,784.00	96%
3	MS	1,096,371.50	486,838.93	787,553.93	795,657.00	711,770.60	83,886.40	89%
4	FDCH	4,006,802.73	1,910,075.40	834,232.4	5,082,645.00	4,384,303.81	698,341.19	86%
5	PGR	133,333.33	7,360.00	-	140,693.00	107,778.35	32,914.65	77%
6	MJ	460,296.04	466,796.04	330,296.04	636,796.00	468,300.00	168,496.00	74%
7	MESCC	2,412,664.00	55,830.00	625,830.00	1,802,664.00	1,327,611.28	475,052.72	74%
8	SEJD	25,000.00	-	-	25,000.00	18,350.00	6,650.00	73%
9	F-FDTL	73,169.80	85,805.00	-	158,975.00	115,173.85	43,801.15	72%
10	UNTL	1,112,655.00	-	-	1,112,655.00	732,213.46	380,441.54	66%
11	IDN	60,000.00	42550	-	102,550.00	102,350.00	200.00	100%
12	ANATL	48,564.00	-	-	48,564.00	25,900.00	22,664.00	53%
13	INFORDEPE	1,533,000.00	-	556843	976,157.00	502,805.75	473,351.25	52%
14	INAP	817,518.60	-	232,370.00	585,149.00	297,929.00	287,220.00	51%
15	MNEC	54,000.00	16000	-	70,000.00	16,000.00	54,000.00	23%
16	SEII	36,500.00	-	36,500.00	-	-	-	0%
Total		12,995,000.00	3,403,625.37	3,403,625.37	12,995,000.00	10,231,512.55	2,763,487.45	79%



LIAN BENEFISIARIU

Zaqueu Maria Marques: Investimentu Governu ba Foinsa'e sira Importante Tebes



Zaqueu Maria Marques foinsa'e ida husi Munisipiu Lautem, hanesan benefisiariu bolsa estudo ne'ebe organiza husi Ministeriu Edukasaun (ME) no finansia husi Fundo de Desenvolvimento Capital Humano

(FDCH) hodi ba hala'o ninia estudu iha universidade Estadual de Paraiba Brazil, 2012-2017 iha area Relasaun Internasional.

Benefisiariu programa bolsa estudo governu nian ne'e finaliza nia estudu, fila mai Timor-Leste hahu servisu iha Ministeriu Negosiu Estranjeiru no Kooperasaun (MNEC) iha 2019 , hafoin ida ne'e apoiu fali servisu fulan balun iha FDCH no ohin loron hala'o servisu iha Ministerio Assuntos Parlamentares no Komunikasaun (MAPCOMS) nudar ofisial ba Inspesaun hafoin liu ka pasa iha konkursu publiku ne'ebe anunsia.

Foinsa'e ne'e hateten eskola iha rai-seluk hasoru difikuldade barak liu-liu durante halao nia Estudo iha nasau Brasil, difikuldade ne'e mak hanesan iha Lingua Portuguesa no sistema Edukasaun ne'ebe diferença ho Timor-Leste mos difikulta tebes nia durante nia estudu, maibe nia luta nafatin no Konsege ultrapasa bareira sira ne'e hotu.

“Diferensa iha Sistema de edukasaun, ida ne’e hanesan dezafios ida tanba ema nia nivel avansado kompara ho ita nian, maibe programa furak tebetes tama FDCH haruka ba ne’eba atu aprende materia foun sira husi ne’eba e ao mesmo tempu buka mos esperiencia ne’ebi ho sira nia matenek, durante aprendizajem hasoru dezafius barak mas nudar bareira ida nebe’e ita luta hodi ultrapasa”

Zaqueu mossalientakatak Bolsa Estudunebéé Governo Investe ba Jovem sira ne’ebi kontinua estuda iha rai liur importante maka fila mai ita nia rain Governo tenki jere no aproveita ho rezultado ne’ebi estudante hetan.

“Realidade maka actualmente hetan ona fatin hodi kontribui ba dezenvolvimentu liu husi servisu iha Instituisaun ida, liu husi FDCH mos oferese programa estajiu profisional, ida ne’e mos fasilita ona estudante graduadu atu sira bele aplika no buka mos esperiencia atu sira bele kompete iha merkadu de trabalhu, ha’u hanoin atualmente impaktu boot tebe-tebes ba dezenvolvimentu Timor-Leste”,

Eis bolseiro ne’e enkoraja mos atu foinsae sira ne’ebi atu asesu ba bolsa Estudu alem de prepara siensia

tenke prepara mos Lingua tanba lingua mak hanesan Xave hodi fasilita durante prosesu aprendizazem ba estudo no aproveita mos oportunidade ne’ebi Governu Timor-Leste oferese no investe.

Destinu NASAUN nian depende ba rekursu umanu la’os rekursu naturais tanba ne’e FDCH tenke mantein nafatin ritmu ida ne’ebi kapasita no promove rekursu umanu ne’e mantein nafatin liu husi meios oin-oin ne’ebi ohin loron governu liu husi FDCH iha.



Kriterius Bolsa Estudu

1. Bolsa Hakbi’it

NU	DOKUMENTUS	CHECK LIST
1	Sidadaun Timor-Leste;	
2	Iha <u>minimu</u> tinan 17 no <u>masimu</u> 25 bá programa <u>licensiatura</u> ;	
3	Aprezenta deklarasaun husi Ministério de Solidaridade Social (MSS)kona-bá situasaun familia ne’ebé identifika husi Chefe de Suco;	
4	Tenki iha valor media mínimu 6 iha Diploma Ensinu Sekundáriu nian;	
5	Sertidaun Moris RDTL;	
5	Kartaun Eleitoral ou BI.	

AREAS ESTUDU: Engenharias, Saúde, Edukasaun, Turizmu

DOKUMENTUS SEI PRIENXE DURANTE INSKRISAUN:

1. Formuláriu Inskrisaun asesu bá Bolsa Hakbi’it;
2. Formuláriu inskeritu bá benefisiáriu;
3. Fotografia 3 x 4 tahan 1.

2. KRITERIUS BÁ PEDIDU APOIU SUBSÍDIU INDIVIDUAL/FINALISTA

NÚ.	DOKUMENTUS	CHECK LIST
1	Karta proposta husi Proponente no diriji ba Ex.^{mo}. Sr. Hermenegildo da Silva, Diretor Executivo do FDCH – MESCC a) Tinan hahu estudu no remata; b) Universidade, Semester hira, Faculdade, Departamentu; c) Deskrisaun Orsamentu; d) Asinatura husi proponente; e) Numeru Kontaktu.	
2	Transkrisaun akademiku legalizado (kopia koloridu) no (tenki hatudu original)	
3	Notas kada semester tuir tinan hahu estudu, notas kópia transkrisaun valor legaliza husi universidade (hatudu original atu sertifika karimbu FDCH ba kopia): • Aprezenta notas husi semester I, II, III, IV, V, VI, & VII no Valor Transkrisaun Akadémiku bá Estudante Finalista	
4	Karta Deklarasaun Ativu husi Universidade (Original)	
5	Karta Deklarasaun Livre Teoria husi Universidade (Original)	
5	Karta Deklarasaun hakerek Teze / Monografia hó Titulo husi Universidade (Original)	
6	Kartaun estudante Ativu (kópia Kloridu)	
7	Kartaun eleitoral (kópia Klorido)	
8	Passaporte (Kopia koloridu ba estudante rai liur)	
9	Vistu estudante nian (KITAS ba estudante sira iha Indonesia)	
10	Sertidaun RDTL (kopia Koloridu)	
11	Konta bankaria (Swift code, BIC no IBAN)	
12	Curriculum Vitae (CV)-Refere ba nível Mestrado no Doutoramento	

NB:

- ST-FDCH sei la simu Proposta wainhira Dokumentus la kompletu no la tuir Kriteria ka ida deit la aneksu nebe'e mensiona iha leten ma'ak sei la konsidera ba proposta refere;
- Valor media minimu 2,75 ba Ciéncia Naturais (CN) no 3,00 ba Ciéncia Sociais (CS).

VERIFIKA HUSI...../...../...../POZISAUN.....

DATA...../...../2021

ASINATURA.....

3. Bolsa Meritu

A. Bolsa Estudu ba Nivel Lisensiatura

1. Nasionalidade : Timorense;
2. Aplika ba Estudante ne'ebé remata tiha ona Eskola Sekundaria jerál no ETV;
3. Estuda área siensia natural no sosial depende kursu;
4. Idade máximu tinan 25;
5. Solteira/o
6. Aprezenta diploma Ensino Sekundaria Jerál tenki iha nota mínimu 7 hahú husi klase 10 toó klase 12 ou nota mínimu 8 husi klase 12, no ba ETV nota minimu 7 ba área produtivu . (tenke legalizadu husi MEJD no apresenta originál);
7. Apresenta kópia Certidaun RDTL;
8. Apresenta kópia Bileti Identidade (BI);
9. Atestado médiku husi HNGV.

B. Bolsa Estudu ba Nivel Mestradu:

1. Nasionalidade : Timorense
2. Tenk iha lisensiatura iha area Enjeñaria eletrika, ambiental, Kimika no fisika
3. Idade maximu 45
4. Aprezenta CV
5. Apresenta planu Estudu-minimu 500 letras ho lian portuguesa
6. Apresenta kopia diploma lisensiatura legalizadu husi MESCC (apresenta original)
7. Kopia sertidaun RDTL
8. Kopia Bileti Identidade (BI)
9. Atestadu mediku husi HNGV



Foto; Estudante Finalista Ensino Sekundaria submete aplikasaun ba vaga Bolsa Meritu iha Edifisiu ST-FDCH.



REPÚBLICA DEMOCRATICA DE TIMOR-LESTE
Ministério do Ensino Superior Ciência e Cultura (MESCC)
Secretariado Técnico


FUNDO DE DESENVOLVIMENTO DO CAPITAL HUMANO - FDCH

Eis Edifício do MF Edifício 5, 1º Andar, Palácio do Governo, Díli, Timor-Leste.



DIPLOMA MINISTERIAL

NU.	DIPLOMA MINISTERIAL	ARTIGU NO ESPLIKASAUN
1	Diploma Ministerial nº. 9/2021 de 10 de Março	kona-ba regulamentu atribuisaun Bolsa estudu ba membru familia kbi'it laek ne'ebé maka frekuenta Ensinu Superior Nasional no sei hetan finansiamentu husi Fundo de Desenvolvimento do Capital Humano
2	Diploma Ministerial nº. 77/2021 de 10 de Novembro	kona-ba regime atribuisaun bolsa estudu no investigasaun sientifica iha estranjeiru no regulamentasaun pedidu individuais ba apoiu finansiamentu ba estudu ensinu superior iha estranjeiru ne'ebé iha artigu 3º kona-ba bolsa, artigu 4º bolsa parsial no artigu 5º estájiu profissional
3	Diploma Ministerial nº. 78/2021 de 10 Novembro	kona-ba regime atribuisaun bolsa estudu ba méritu ba frekuensia iha territóriu nasional no regulamentasaun pedidu individuais ba apoiu finanseiru estudu iha ensinu superior akreditadu nasional ne'ebé haktuir mós iha Artigu 3º kona-ba bolsa estudu, artigu 4º Kona-ba Bolsa Parsial, Artigu 5º kona-ba Estajiu Profesional,
4	Diploma Ministerial nº 79/2021 de 17 de Novembro	kona-ba regimentu internu ba Fundo de Desenvolvimento do Capital Humano (FDCH), regras funzionamentu Konsellu Administrasaun no prosidementu Ezekusaun.



Diretor Ezekutivu FDCH Sr. Hermenegildo da Silva realiza enkontru ho reprezentante JDS ne'ebe mai konvida FDCH hodi sai membru koomite operasaun JDS 2021-2025.



Koordenador GAPLO Sr. Eusebio A.G.G. Barreto reprezenta Diretor Ezekutivu FDCH partisipa iha serimonia abertura formasaun espesializada tekniku hakiak ikan ba extensionista sira, formasaun ne'e realiza iha Munisipiu Ermera.



Reprezentante JDS entrega souvinir ba Diretor Ezekutivu FDCH Sr. Hermenegildo da Silva hafoin enkontru hodi konvida FDCH sai mós membru koomite operasaun JDS 2021-2025.




Koordenador GAPLO Sr. Eusebio A.G.G. Barreto reprezenta Diretor Ezekutivu FDCH partisipa iha serimonia abertura formasaun espesializada tekniku hakiak ikan ba extensionista sira , Formasaun ne'e realiza iha Munisipiu Ermera



Sesaun foto hamutuk Diretor Ezekutivu FDCH Sr. Hermenegildo da Silva akompanha husi koordenadór Henrique do Rosário ho reprezentante sira husi JDS.



Koordenador GAPLO Sr. Eusebio A.G.G. Barreto reprezenta Diretor Ezekutivu FDCH partisipa iha serimonia abertura formasaun espesializada tekniku hakiak ikan ba extensionista sira .



Diretor Ezekutivo FDCH Sr. Hermenegildo da Silva realiza enkontru ho pontu fokal sira husi INAP ho PNTL hodi ko'alia kona-ba programa formasaun.



Magnifiku Reitor UNTL hato'o ninia breves palavras iha serimonia atribuisaun bolsa husi Kompania Astomos Energy ba estudante sira iha Universidade Nacional Timor Lorosa'e.



Diretor Ezekutivo FDCH Sr. Hermenegildo da Silva realiza enkontru ho pontu fokal sira husi INAP ho PNTL hodi ko'alia kona-ba programa formasaun.




Koordeandor GAGESI FDCH Sr. Henrique do Rosario partisipa iha serimonia abribuisaun bolsa estudu husi Kompania Astomos Energy ba estudante sira iha Universidade Nacional Timor Lorosa'e.



Diretor Ezekutivo FDCH Sr. Hermenegildo da Silva realiza enkontru ho pontu fokal sira husi INAP ho PNTL hodi ko'alia kona-ba programa formasaun.



Sesaun foto hamutuk bolseiru ho Magnifiku Reitor UNTL ho bainaka espesial sira .



FDCH ho INCT ofisialmente lansa programa estudu avaliaasaun ba programa FDCH etapa daruak 2015- 2020 , lansamentu née realiza iha salaun Knowledge Center.



Pontu fokal sira husi LMs no instituisaun estadu akreditadu sira partisipa iha atividade desiminasaun programa estudu avaliaasaun programa FDCH etapa daruak .



Pontu fokal sira husi LMs no instituisaun estadu akreditadu sira partisipa iha atividade desiminasaun programa estudu avaliaasaun programa FDCH etapa daruak .




Pontu fokal sira husi LMs no instituisaun estadu akreditadu sira partisipa iha atividade desiminasaun programa estudu avaliaasaun programa FDCH etapa daruak .



Foto hamutuk diretor ezeikutivu FDCH Vise Prezidente konsellu ezeikutivu INCT , Diretor Nasional Estatistika, koordenadores FDCH ho peskizador sira hafoin lansamentu Estudu avaliaasaun ba servisu FDCH etapa daruak.



Pontu fokal sira husi LMs no instituisaun estadu akreditadu sira partisipa iha atividade desiminasaun programa estudu avaliaasaun programa FDCH etapa daruak .



Diretor Ezekutivu FDCH Sr. Hermenegildo da Silva simu vizita kortejia Embaixadór Brazil ba Timor-Leste Sr. Mauricio Medeiros de Assis mai iha FDCH.



Diretor Ezekutivu FDCH Sr. Hermenegildo da Silva simu relatoriu no planu formasaun ba funsionariu publiku 2022 ne'ebe entrega direita husi Prezidente CFP Dr. Faustino Cardoso.



Diretor Ezekutivu FDCH akompaña husi koordenador sira halo enkontru ho Embaixadór Brazil ba Timor-Leste Sr. Mauricio Medeiros de Assis mai iha FDCH.




Prezidente CFP Dr. Faustino Cardoso entrega mos relatoriu planu formasaun 2022 nian ne'ebe halibur husi ekipa teknika ba Diretor Jeral INAP Sr. Agostinho Letencio.



Foto hamutuk Diretor Ezekutivu FDCH akompaña husi koordenador sira ho Embaixadór Brazil ba Timor-Leste Sr. Mauricio Medeiros de Assis hafoin vizita mai iha FDCH.



Diretor no pontu fokal sira partisipa iha enkontru GJPRU ne'ebe realiza iha auditorium MJ no iha oportunidade ne'e Diretor Ezekutivu FDCH simu mos planu formasaun ba funsionariu publiku sira.



Diretor Ezekutivu FDCH akompaña husi koordenadór sira partisipaiha audiénsiapúblikuhokomisaun G Parlamentu Nasional ne’ebé trata asuntu Edukasaun, Juventude, Kultura no Sidadania.



Diretor Ezekutivu FDCH Sr. Hermenegildo da Silva halo esplikasaun kona-bá progresu servisu sira ne’ebé FDCH atinje durante 2021 no programa sira ne’ebé atu realiza iha 2022 ba komisaun C iha sala Plenaria Parlamentu Nasional.



Destintu Deputadu Sr. Antonio Benevides nu’udar membru ba komisaun G hato'o ninia intervensaun no komentáriu sira kona-bá servisu FDCH durante ne’ebé.




Diretor Ezekutivu FDCH Sr. Hermenegildo da Silva halo esplikasaun kona-bá progresu servisu sira ne’ebé FDCH atinje durante 2021 no programa sira ne’ebé atu realiza iha 2022 ba komisaun C iha sala Plenaria Parlamentu Nasional.



Diretor Ezekutivu FDCH Sr. Hermenegildo da Silva halo esplikasaun kona-bá progresu servisu sira ne’ebé FDCH atinje durante 2021 no programa sira ne’ebé atu realiza iha 2022 ba komisaun G.



Diretor Ezekutivu FDCH Sr. Hermenegildo da Silva akompaña husi koordenadór sira partisipa iha audiénsia públiku ho komisaun C ne’ebé trata asuntu Finansas Públika iha sala Plenaria Parlamentu Nasional.



Diretor Ezekutivo FDCH Sr. Hermenegildo da Silva hato'o ninia breves palavras iha serimónia abertura formasaun lideransa ba Administradór postu sira.



Diretor Ezekutivo FDCH Sr. Hermenegildo da Silva partisipa iha serimónia abertura formasaun ba extensionista sira ne'ebé realiza iha Maubara, Liquica, formasaun ne'e organiza husi MAP ho INAP no hetan finansiamentu husi FDCH.



Administradór Postu sira hamutuk na'in 27 partisipa iha formasaun lideransa ne'ebé organiza husi MAE ho INAP no finansia husi FDCH.




Extensionista sira partisipa iha formasaun hakiak ne'ebé realiza iha Maubara, Liquica, formasaun ne'e organiza husi MAP ho INAP no hetan finansiamentu husi FDCH.



Administradór Postu sira hamutuk na'in 27 partisipa iha formasaun lideransa ne'ebé organiza husi MAE ho INAP no finansia husi FDCH.



Sesaun foto hamutuk Diretor Ezekutivo FDCH , Diretor sira husi MAP ho extensionista sira hafoin abertura ba serimónia formasaun hakiak ikan ne'ebé realiza iha Maubara.



Ministru MNEC Interinu Sr. Julião da Silva ho Embaixadór Japaun ba Timor-Leste Sr. Masami KINEFUCHI asina akordu kooperasaun bolsa estudu da haat, iha Salaun IED MNEC 1/12/2021.



Ministru MNEC Interinu Sr. Julião da Silva ho Embaixadór Japaun ba Timor-Leste Sr. Masami KINEFUCHI asina akordu kooperasaun bolsa estudu da haat, iha Salaun IED MNEC 1/12/2021.



Diretor Ezekutivu FDCH Sr. Hermenegildo da Silva partisipa iha serimonia asina akordu kooperasaun bolsa estudu da haat ba funzionariu publiku sira neébe realiza iha Salaun IED MNEC 1/12/2021.




Benefisiariu programa bolsa estudu JDS halo apresentasaun hafoin termina sira ninia estudu mestradu iha Japaun no fila hikas mai Timor-Leste molok reintegra sira ba servisu.



Koordenadór GAGESI-FDCH Sr. Henrique do Rosario reprezenta Diretor Ezekutivu partisipa iha serimonia apresentasaun bolseiru graduadu husi programa JDS neébé finansia ona sira nia estudu iha Japaun.



Sesaun foto hamutuk komitee operasaun JDS ho bolseiru graduadu sira hafoin termina apresentasaun kona-ba sir a nia teze no fahe esperiencia moris durante halaò estudu iha Japaun.



FDCH hola parte iha primeiru enkontru JDS Operation Committee (OC) ba Projetu Dezenvolvimentu Rekursus Umanus Bolsa Estudu (JDS)2021-2025 ne'ebé realiza iha Timor-Plaza.



Koordenador GAGESI-FDCH partisipa iha primeiru enkontru JDS Operation Committee ba Projetu Dezenvolvimentu Rekursus Umanus Bolsa Estudu (JDS)2021-2025 ne'ebé realiza iha Timor-Plaza.



Koordenador GAGESI-FDCH Sr. Henrique do Rosario hatoo ninia komentariu kona-ba programa bolsa estudu iha primeiru enkontru JDS Operation Committee2021-2025 ne'ebé realiza iha Timor-Plaza.



Diretor Ezekutivu FDCH Sr. Hermenegildo da Silva realiza enkontru ho Prezidente Konsellu ANATL, EP, Sr. José Augusto Trindade no equipa hodi ko'alia kona-ba programa bolsa estudu no formasaun.



Diretor Ezekutivu FDCH Sr. Hermenegildo da Silva realiza enkontru ho Prezidente Konsellu ANATL, EP, Sr. José Augusto Trindade no equipa hodi ko'alia kona-ba programa bolsa estudu no formasaun.



Diretor Ezekutivu FDCH Sr. Hermenegildo da Silva realiza enkontru ho Prezidente Konsellu ANATL, EP, Sr. José Augusto Trindade no equipa hodi ko'alia kona-ba programa bolsa estudu no formasaun.

PERFIL FDCH



FUNDO DE DESENVOLVIMENTO DO CAPITAL HUMANO

1.KONA-BA FDCH (FUNDO DE DESENVOLVIMENTO DO CAPITAL HUMANO)

1.1.Estabalesimentu

FDCH hari no aprobadu husi Parlamentu Nasional liu husi Lei no 1/II iha loron 14 Fevereiru, Artigu 9 kona ba OGE 2011 baseia ba Artigo 32 Lei no 13/2009, 21 Outubro (LOGF) ne’ebé koalia kona-ba kriasaun Fundo de Desenvolvimento do Capital Humano (FDCH).

1.2.Baze Legal

FDCH regulamenta liu hosi Dekretu-Lei foun nº13/2020 de 15 de Abril, Regulamento do Fundo de Desenvolvimento do Capital Humano no ne’ebé jestau fundu nian kabe ba “Conselho de Administração” haktuir linas jerais ba politika governamental artigo 4.º.

Conselho de Administração do FDCH (Konsellu Administrasaun FDCH) hetan apoiu husi Sekretariadu Tékniku ida, ne’ebé dezempeña servisu Espesiáizada atu halo koordenasaun téknika ho orgaun governu ne’ebé iha nesesidade atu desenvolve programas no projetus ba dezenvolvimentu kapital umanu tui’área kompetensia ida-idak nian.

1.3.Objetivu

Objetivu Jerál ba estabalesimentu fundu nian mak: “atu dezenvolve planu rekursu umanu Nasional hodi apoia ba dezenvolvimentu Nasional iha área oi-oin, mellora di’ák liutan planu, jestau no implementasaun programa nomós garante lalaok programa ho ninia ezekusaun orsamentu públíku ne’ebé trasparente ho despeza governu nian relasiona ho kustus ba

formasaun, bolsa-estudu no programa ba dezenvolvimentu rekursu umanu iha Timor-Leste”.

Estabalesimentu Fundo Desenvolvimento do Capital Humano iha ninia objetivu hodi hari’i hanisan mós atu:

- Asegura jestau finanseiru ba investimentu públíku iha área formasaun no dezenvolvimentu rekursu umanu nasional;
- Garantia seguransa ba negosiasaun, asinatura ba akordu no projetu sira plurianuais;
- Mantén verbas orsamentu ne’ebé prevé ba FDCH iha final tinan fiskal ho objetivu atu garantia kontinuidade programa no projetu formasaun;
- Promove transparéncia no responsabilidade liuhosi mekanismu no prosidimentu Relatóriu no prestasaun servisu sobre prosesu ezekusaun programa formasaun no projetu dezenvolvimentu kapital umanu.

1.4.Funsaun Jerál

Sekretariadu FDCH iha funsaun Jerál, atu :

- 1.Koordena planu dezenvolvimentu rekursu umanu iha Timor-Leste, implementasaun no ezekusaun orsamentu FDCH nian;
- 2.Avalia rezultadu atividades formasaun no bolsa-estudu;
- 3.Koordena ho parseiru hot-hotu ba kualidade.

1.5.Estrutura

Bazeia ba artigu 5. Dekretu-Lei n.o 13/2020, 15 Abril, Conselho de Administração do FDCH (CA-FDCH) kompostu husi Ministru Ensina Superiör, Siénsia no Kultura (MESCC), Ministru Finansas, Ministru Justisa, Ministru Petróleu no Minerais no Sekretáriu Estadu Formasaun Profisionál no Empregu (SEFOPE). Ho nune’e, estrutura ba Conselho de

Administração (CA-FDCH) iha ninian komposisaun mak hanesan:

1. Ministru Ensinu Superiór, Siénsia no Kultura (MESCC) nudár Prezidente ba CA-FDCH
2. Ministru Finansas – Membru Permanente ba CA-FDCH;
3. Ministru Justisa – Membru Permanente ba CA-FDCH;
4. Ministru Petróleo no Minerais – Membru Permanente ba CA-FDCH no
5. SEFOPE – Membru Permanente ba CA-FDCH

2.JESTAUN BA FDCH

2.1. Konsellu Administrasaun FDCH:

Konsellu Administrasaun mak orgaun ne’ebé halo desizaun iha Sekretáriadu FDCH. Papél konsellu nian mak atu fó konsellu ba política, aprovasaun no dirasaun kona-ba dezenvolvimentu rekursu umanu iha Timor-Leste nomós programa FDCH no projeto sira iha Timor-Leste. Konsellu ne’e iha mós responsabilidade Jerál ba jestaun FDCH.

Espesífkamente, Konsellu Administrasaun iha mandatu tuir artigu 6, Dekretu Lei mak hanesan:

1. Aprova planu asaun anual Fundu nian
2. Aprova proposta orsamentu anual Fundu nian
3. Aprova planu aprovizionamentu anual Fundu nian
4. Aprova relatóriu atividades anual Fundu nian
5. Aprova relatóriu kontas anual Fundu nian
6. Aprova relatóriu anual aprovizionamentu Fundu nian
7. Aprova programas, projetus no atividades seluk ne’ebé atu finansia husi Fundu, no mós estimativa ba kustu sira, bazeia ba prioridades ne’ebé estabelese husi Konsellu Ministrus.
8. Aprova opsaun sira ba finansionamentu kada programa no projeto ne’ebé atu finansia
9. Autoriza pagamentus no despezas tomak ne’ebé realiza husi Fundu CA-FDCH bele delga ba Diretor Ezekutivu kompeténsia sira ne’ebé prevista iha alínea g) to’o i) husi artigu 6.o Dekretu-Lei n.o 13/2020, 15 Abril, ne’ebé reflete iha parágrafo anterior.

2.2. Enkontru Konsellu Administrasaun FDCH:

Regula iha 7. Dekretu-Lei n.o 13/2020, 15 Abril, Funcionamentu ba CA-FDCH nian, hanesan tuir mai ne’e:

1. CA-FDCH réune, ordinariamente, tinan ida dala ida, no bainhira konvoka husi Prezidente liu husi ninia iniciativa rasik ka liu husi rekerimentu maioria husi ninia membru sira.
2. Diretor Ezekutivu konvokadu hodi partisipa mós iha reuniaun sira CA-FDCH nian, maibé laiha direitu ba votu
3. Bele mós konvoka entidade sira seluk hodi partisipa iha reuniaun sira CA-FDCH nian, maibé laiha direitu ba votu, no sempre konsidera katak sira nia partisipasaun ne’e relevante
4. CA-FDCH bele deit delibera bainhira direitu votu mai husi metade husi ninia membru sira ne’ebé partisipa
5. CA-FDCH delibera liu husi maioria simples husi ninia membru sira ne’ebé prezente, Prezidente maka iha votu kualidade
6. Karik falta, auzénsia ka impedimentus ruma husi Prezidente,

Prezidente dezigna ninia substitutu entre restante membru sira CA-FDCH nian

7. Deliberasaun sira CA-FDCH nian fundamenta no hakerek iha ata, ne’ebé elabora husi Diretor Ezekutivu.

Entidade ne’ebé responsavel ba operasaun tomak iha Fundo ne’e mak Conselho de Administração

2.3. Estrutura Orgânica Sekretáriadu Tékniku FDCH nian.

Artigu 12. Dekretu-Lei n.o 13/2020, 15 Abril, prevé estrutura orgániku-funzionál Secretariado Técnico nian hanesan tuir mai ne’e:

a)Diresaun Nasional ba Planu, Peskiza, Monitorizaun no Fiskalizasaun;

b)Diresaun Nasional ba Koordenasaun no Ezekusaun Programas no Projetus no Jestaun ba Sistema Informasaun;

c)Diresaun Nasional ba Servisus Pagamentus;

d)Diresaun Nasional ba Administrasaun, Finansas no Rekursus Umanus; no

e)Diresaun Nasional ba Aprovizionamentu.

Diresaun Nasional sira diriji husi Diretor Nasional, tuir rejimi kargus diresaun no xefia administrasaun pública no imediatamente subordina ba Diretor Ezekutivu.

2.4. Papel Sekretáriu Tékniku FDCH nian

Haktuir iha artigu 8.Dekretu-Lei n.o 13/2020, 15 Abril, ba ezersísiu kompeténsia CA-FDCH nian, CA-FDCH hetan apoiu husi Secretariado Técnico do Fundo de Desenvolvimento do Capital Humano, dezignadu nudár Secretariado Técnico.

Secretariado Técnico nudár servisu apoiu ne’ebé integra iha estrutura orgánika Ministériu Ensinu Superiór, Siénsia no Kultura (MESCC).

Regula iha artigu 9. Dekretu-Lei hanesan, kompeténsia Secretariado Técnico nian maka hanesan tuir mai ne’e:

Presta apoiu tékniku no administrativu ba CA-FDCH

Koordena, akompaña no avalia teknikamente programa bolsa estudu hotu-hotu ne’ebé destinadu ba ema hirak ne’ebé laiha vínculu ba Administrasaun Pública

Artikula ho Komisaun Funsaun Pública (CFP) no ho Instituto Nasional Administrasaun Pública (INAP), finansiamentu no implementasaun ba programas no projetus formasaun funzionárius públikus, no mós akompaña no monitoriza programa no projeto sira

Asesora teknikamente CA-FDCH iha avaliasaun ba relevânsia projeto sira ne’ebé atu dezenvolve, no mós kona-ba nesesidade sira kona-ba ninia implementasaun

Koordena no apresia preliminarmente projeto sira ne’ebé propostu ba Fundu no submete ba apresiasiun CA-FDCH nian

Elabora programa no projeto sira ne’ebé aprovadu husi CA-FDCH Dezenvolve mekanismu nesesáriu sira ba definisaun projeto sira kona-ba bolsas estudu no formasaun téknika iha rai-laran no iha estranjeiru

Promove elaborasaun ka revizaun ba lejislaun aplikável iha matéria bolsas estudu nian

Koordena prosedimentu sira ba abertura konkursu, selesaun pur méritu, atribuisaun bolsas, no mós prosedimentu seluk ne'ebé prevista iha lejislasaun sira ne'ebé aplikável iha matéria bolsas estudu.

Promove elaborasaun ka revizaun ba lejislasaun ne'ebé aplikável ba bolseiru sira, ho objetivu atu inkorpora mekanismu sira ba akompañamento no forma sira ba avaliaun ba sira nia atividades. Presta ka fó apoiu ba CA-FDCH iha opsaun sira ba finansiamento investimento público iha formasaun no dezenvolvimentu rekursus umanus nacionais

Dezenvolve prosedimentu sira ne'ebé garante seguransa iha negosiasiun no asinatura akordus, programas no projetus plurianuais

Elabora relatório sira prestasaun kontas kona-ba ezekusaun programas no projetus Fundu nian

Mantém arkivu ida ba atas reuniaun CA-FDCH nian

Hala'o tarefa sira seluk ne'ebé determina husi lei, regulamentu ka determinasaun husi superiór.

Estabelese iha artigu 10.o Dekretu-Lei hanesan, Secretariado Técnico diriji husi Diretór Ezekutivu FDCH, nomeadu liu husi rejimi komisaun servisu, tuir Lei, ho durasaun mandatu tinan 4, renovável dala ida deit ho perídu ne'ebé hanesan.

3. PROSESU NO MANDATU

3.1. Prosesu Submisau Projeto iha FDCH

Iha artigu 8º husi Diploma Ministerial no 09/2011, koalia kona ba prosesu submete dokumentu projeto sira ba FDCH, hanesan tuir mai ne'e:

- Kompetênsia Ministériu sira no orgaun Governu nian sira seluk hodi submete projeto sira ba Sekretáriadu Tékniku hodi bele hetan konsiderasaun husi Konsellu Administrasaun;
- Sekretáriadu Tékniku maka responsavel hodi koordena ba halibur projeto sira ne'ebé propoin husi orgaun Governu nian, hodi bele submete ba hetan apresiasaun husi Konsellu Administrasaun, nune'e mós kona-ba implementasaun programa foun no projeto sira ne'e aprovadu husi Konsellu Administrasaun.
- Projetus sira ne'ebé submete ba Sekretáriadu minimu loron 10 antes enkontru tuirmai Konsellu Administrasaun nian.

Artigu 9º - Dokumentu sira ne'ebé akompaña projetus:

Projetu sira ne'ebé atu submete ba Sekretáriadu Tékniku ba Dezenvolvimentu Kapital Umanu ka ne'ebé dezenvolve hela, tenki akompaña ho dokumentasaun téknika sira liuliu hanesan informasaun tuirmai ne'e:

- Objetivu estratéjiku ba projeto;
- Parte ne'ebé envolve;
- Benefisiariu diretu;
- Fatin projeto;
- Durasaun;
- Kustu;
- Relevancia projeto;
- Espesifikasiun importante liu ba projeto;
- Nesesiadade implementasaun;

- Impaktu ka efeitu husi projeto;
- Adekuasaun ba Programa Governu no kuadru legal atual. Aprovadu iha aneksu diploma, ne'ebé sai hanesan parte integral ne'e maka pakote formulario sira no sumariu ba deskrisaun projeto sira, inklui mós iha dokumentu tékniku hodi submete ba Konsellu Administrasaun.

Artigu 10º - Elaborasaun no apresiasaun preliminariu ba projeto:

Kompetensia Sekretáriadu Tékniku ba Dezenvolvimentu Kapital Umanu ba apresiasaun preliminariu kona-ba projeto sira maka submete ona, ne'ebé depende ba ninia kazu:

- Determina hodi haruka fila-fali ba Ministeriu proponente, karik seidauk kumpri rekezitu sira no formalidade sira maka prevista iha diploma ne'e no seidauk harel forma ou dokumentu adekuadu ne'ebé hato'o;
- Hato'o ba Prezidente Konsellu Administrasaun ita nia ajenda.

Kompetensia Sekretáriadu Tékniku ba Dezenvolvimentu Kapital Umanu mós kona-ba dezena projeto sira ne'ebé difinidu iha Konsellu Administrasaun, nomós preparasaun ba proposta projeto sira ne'ebé konsidera relevante.

Sirkulasau entre membru sira iha Konsellu Administrasaun ba projeto ne'ebé mak atu avalia, akontese loron 3 molok enkontru Konsellu Administrasaun nian.

3.2. Mandatu Diretora Ezekutivu FDCH

Mandatu no papel Diretora Ezekutivu FDCH nian, hakerek iha Artigo 10º iha Diploma Ministerial no 13/2020, 15 de Abril 2020, kona-ba kompetênsia atu jere no tau matan ST-FDCH iha ninia funzionamentu lor-loron.

Aleinde ida-ne'e, Diretora Ezekutivu Fundu nian hetan mós mandatu no pôder husi Konsellu Administrasaun liuhosi DESPAXU n.º 1 /CA - FDCH/II/16, DELEGASAUN KOMPETENSIA atu bele iha responsavel masimu reprezenta Konsellu atu:

- Dirije no orienta jestaun diária ba FDCH, liuliu despaxu ba arkivu no korrespondênsia ne'ebé tama, no asinatura ba karta ofisial sira mak haruka ba orgaun no servisu sira tutela ba FDCH ka entidade nacionais público no privadu;
- Jestaun no administrasaun ba rekursu patrimoniu ne'ebé mak atribui ba FDCH, tuir lei ne'ebé vigóra;
- Jestaun no administrasaun rekursu umanu ne'ebé mak atribui ba FDCH;
- Hala'o prosidementu sira tuir lei aprovisionamentu, liuliu loke no adjudikasaun, nomós asina kada kontratu prestasaun servisu relasiona ho apoiu tékniku husi FDCH, to'o montante masimu ne'ebé permite tuir lei ba Ministru ida;
- Hala'o prosidementu sira tuir lei aprovisionamentu, liuliu loke no adjudikasaun, nomós asina kada kontratu, relasiona ho fornesimentu sasan, prestasaun servisu ka ezekusaun ba obra FDCH nian, to'o montante masimu ne'ebé permite tuir lei ba Ministru ida;
- Autoriza despeza/gastus ba orsamentu FDCH nian, hanesan

- responsavel masimu ba servisu, bele nomea responsavel balun hodi autoriza asinatura ofisial ba Formulariu Kompromisiu ba Pagamentu (FCP/CPV), Orden ba Sosa (OC/PO), Pedidu no Orden ba Pagamentu (POP/PRT), nomós responsavel ba iha área administrasaun, área finansa, área lojistika, nomós ofisiais sertifikasaun no autorizasaun iha Fundu, kuandu nesesariu;
- Aprova pedidu sira adiantamente no presiza hari'i prestasaun serbisu, nune'e mós verifika kada relatóriu;
 - h)Aprova viajen asesor sira nian ou funzionáariu sira iha FDCH;
 - Valida Planu Anual, Planu Aprovizionamentu no Planu Ezekusaun Orsamental;
 - Valida Relatório progresu orsamentu no Relatório Anual Preliminaru.

3.3.Rekursu Finanseira FDCH nian

Fonte orsamentu FDCH nian mai husi dotasoens estadu ninian nebé hakerek iha livru orsamentu número 6 (Livro no 6) hodi deskreve programas prinsipais ba dezenvolvimentu rekursus umanus nia iha Timor-Leste, liu-liu fahe ba programas ha'at (4), ma'ak hanesan:

3.3.1.Programa Formasaun Profissional (Kodígu Programa 810)

Maioria orsamentu ba programa ne'e, sei finansia ba atividades formasaun profissional iha Centro de Formasaun ne'ebé SEPFOPE (Secretaria do Estadu da Política de Formação Profissional e Emprego) halo konta ka tau-matan ba, inklui mós programa Liñas Ministeriais (LM) sira seluk ne'ebé konsentra ba formasaun funzionários ka empregadu sira nebé hasa'e kualifikasiacaun bada'en ka skills iha área enjiñeria no sira seluk tan tuir padraun iha QQTL (Quadramento Qualificação de Timor-Leste) ka iha lian inglés ma' ak NQF (National Qualifications' Framework – NQF) ne'ebé sertifika husi INDMO (Instituto Nacional de Dezenvolvimento de Mão de Obra) – SEPFOPE ba nível formasaun profissional no'mós husi ANAAA (Agência Nacional de Avaliação e Acreditação Académica) – Ministério da Educação (MdE) nian, nuudar izemplu: Padraun ba Sertifikadu 1 – IV hetan akreditasaun iha INDMO-SEPFOPE no padraun ba Sertifikadu V-IX (Diploma 1 – Doutoramento) hetan akreditasaun husi ANAAA-MdF.

Programa ne'e iha ninian objetivu atu finansia Liñas Ministeriais (LM) sira nian funzionáriu hodi prepara no hasa'e kompetênsiasabilidade timoroan sira nian, liu-liu ba jovens feto no mane bazeia ba ejijensia ba nesessidades industria ka mercadu traballu nian ka abilidades ne'ebé ho natureza ka karater niveis sertifikasaun.

3.3.2.Programa Formasaun Téknika (Kodígu Orsamentu 811)

Programa ne'e fo'o apoiu tomak ba dezenvolvimentu kapasidade funzionáriu Estadu nian ka ajentes iha Estadu tomak ba área oin-oin, haktuir planu no prioridades governu nian ba setór hotu-hotu ho objetivu atu aumenta matenek no dezenvolvem

nomós mellora di'ak liu tan prestasaun servisu ajentes ka mákina estadu hodi serbii di'ak liu tan iha sira-nia servisu fatin.

Formasaun ba iha futuru mai sei depende ba rekezitu ka regras no leis Regime de Carreira husi Comissão da Função Pública (CFP) hodi nune'e bele assegura liu tan politika estadu nian hodi hare ba kompetênsias no pozisaun funzionáriu idak-didak ida dezenvolvimentu estadu ne'e.

Níveis no área ba formasaun sei adapta tuir regras da função pública, inklui mós prioridades estadu nian ne'ebé sei foti referênsia husi "Estudo Mapeamento Nacional ba Prioridades Recursos Humanos ba iha Setor Públiku no Privadu" ne'ebé halao husi Secretariado do FDCH ina tinan 2016 nian rohan (fim de 2016) ho orientasaun CA-FDCH nian nomós aprova iha Conselho de Ministro (CdM) iha loron 23 de Agosto 2016, hodi responde mós ba objetivu PEDN (Planu Estratégico do Dezenvolvimento Nacional) 2011-2030.

3.3.3. Programa Bolsas Estudus-BdE (Kodígu Orsamentu 812)

Programa ne'e ninian foku no objetivu ma'ak atu finansia Timor-oan feto no mane hodi hetan oportunidade atu kontinua ba estudu nível ensinu superior hahu husi níveis Diploma 1 to'o nível Doutoramento haktuir Quadramento Qualificação Nacional de Timor-Leste – QQNTL (National Qualifications' Framework – NQF) ba iha Universidades ka Institutu Superior sira tantu iha rai-laran no rai-liur. Áreas estudu sei haktuir prioridades governu no nesesidades nasaun ninian.

Oportunidade ba Bolsa de Estudo sei aplika ba funzionários estadu nian nomós públiku timoroan feto no mane hahu husi tinan 17 to'o tinan 50 depende ba níveis eskolar.

Prosesu Bolsa de Estudo sei liuhosi konkursu formal ne'ebé Ministério ka Instituisaun Estadu RDTL ida ma'ak tenki organiza ho aprovasaun husi CA-FDCH ne'ebé sei determina no aprova proposta mai husi LM ne'ebé mak organiza programa ne'e.

Apoiou finanseiru husi FDCH ba programa ne'e, bele liuhosi meius rua (2):

3.3.3.1. Programa Bolsa Estudu Kompleta (Full Scholarship);

Programa ne'e sei hetan apoiu másimu husi FDCH hodi selu ka kobre ba kustu Propinas Eskola, Kustu ba Vida moris nian (Kustu de vida), Seguru/ Tratamentu ba Saúde nian no Transporte ka Bilhete de Viagem ba iha rai-liur (Ba & Fila – dala ida deit) wainhira remata estudu, kustu material didaktiku no Kusto balun tan hanesan peskiza ba finalista nian.

Importante ka obrigasaun atu estabelese akordu memorandum entre Instituisaun iha Estadu RDTL ho instituisaun ensinu superior sira iha rai-laran ka ba iha rai-liur. Partikularmente ba iha rai-liur, instituisaun ne'ebé organiza programa bolsa de

estudo tenki koordena mós ho MNEC (Ministério dos Negocios Estrangeiros e Cooperação) atu servisu besik ho Embaixadas RDTL iha nasaun hospedeiru inklui mós ho Consulados RDTL nian.

Atu FDCH bele aprova no ezekuta pagamentu ba programa ne'e, precisamente tenki iha dokumentus hanesan: MoU (Memorandum of Understanding), MoA (Memorandum of Agreement) ka Technical Agreement ba implementasaun programa ne'e entre instituisaun sira.

Parte seluk, tenki iha mós akordu kontratu entre instituisaun nebé organiza ho bolseiru sira hodi koalia kona ba "Deveres ka Obrigasaun, Responsabilidade, Sanksoens" husi parte hotu-hotu atu nune'e bele garante programa ne'e ninian sussesu.

3.3.3.2. Bolsa de Estudo Parcial (BEP) liu husi Subsidio Individuais (SI);

Aparte husi programa bolsa de estudo iha FDCH nebé liu husi prosesu konkursu formal organizadu husi LM ka FDCH rasik, haktuir matadalan ba formasaun no bolsa de estudo FDCH nian, iha mós verba ka orsamentu balun alokadu atu fo'o subsidio orsamentu balun nebé sei fornese ba Timor-oan sira nebé estuda hela iha nível ensino superior, tantu iha rai laran ka ba iha instituisaun sira rai liur nian.

Objetivu husi apoio ne'e ma'ak hanesan tulun ida komplementar (subsidio complementar) ka hanesan ajudo ka apoio financeiro balun hodi fo'o ba estudantes Timor-oan ida husi nível Diploma-1 to'o fali nível de estudo Doutoramento, nebé iha valores ka notas escolar di'ak durante prekursu akadémiku nian.

Apoio subsidio ne'e sei fo'o dala ida deit ba estudante ida dala ida wainhira hetan rekomendasaun husi Comité Avaliasaun Proposta Subsídios (CAPS) hodi elabora no hato'o parecer ba CA-FDCH haktuir Artigu 11o ponto 3o iha Diploma Ministerial no 11/2011, 13 de Abril. Kompozisaun ba CAPS husi Secretário Executivo do FDCH nebé prezidi, membros ma'ak Koordenadores iha Secretariado FDCH nian, hanesan: GAPPEFIV, GARHI, GASEPA, GAPLO no GAGESI.

Kritérius jerais atu avalia ba propostas subsidíus individuais no subsidíus finalistas, ma'ak hanesan tuir mai ne'e:

Proposta subsidíus tenki dirije ba CA-FDCH ka Presidente CA-FDCH hodi esplika necessidades estudo no dificuldade finanseira nebé estudante ida hasoru. Maibe bele mós dirije diretamente ba Secretário Executivo do FDCH wainhira iha delegasaun kompetências husi CA-FDCH ka Presidente do CA-FDCH ka Ministro tutelado;

Dokumentus nebé presiza atu anexa ma'ak:

a) Carta Pedido ka rekerimentu dirige ba Presidente CA-FDCH ka Secretário Executivo FDCH nian wainhira hetan delegasaun;

b) Detalles tabela orsamentu ne'ebéobre deit ba (laos selu ba item tomak): Propinas (dala ida deit), Materiais Didáktika, Kustu Pratika ka Peskiza Finalista no Teze;

- Karta komprobativu (Surat Pernyataan) sei aktivu iha escola ka hanesan estudante finalista;
- Notas ka valores escola nian ka transcript husi hahu escola to'o final (pelo menos notas semestre ida nian);
- Kopía Kartau Estudantes (ID Card/ Kartu Mahasiswa);
- Kopía Kartau Billete Identidade (iha proposta iha rai-laran) ka Kopía Passaporte ba iha estudante iha rai-liur;
- Kopía Konta Bankária ho número Swift Code/ IBAN no assina iha leten.
- Notas ka valores nebé hatama tenki atinji, pelu-menus:
- Valor notas em total 10 ba iha países/ nasaun CPLP;
- GPA ka total media ho 2,75 ba iha nasaun Inglês;
- IPK ka total media pelu menus 3 ba Universidades Privadus no IPK 2,75 ba Universidades Públicos iha Indonésia.
- Ba estudante ida so bele hetan apoio subsidio dala ida deit. Ho razaun tambo FDCH tenki garante katak orsamentu sei disponível ba Timor-Oan hotu-hotu nebé mós iha direito hanesan.

Maibe se wainhira hetan rekomendasaun no aprovasaun direitamente husi CA-FDCH ka Presidente do CA-FDCH, pedidu ne'e sei prosessa iha Secretariado FDCH ho rekizitus pagamentus nebé iha, inkluiindu halo kontratu ba bolsa parcial nian, haktuir iha Diploma Ministerial no 09/2011, 13 de Abril, iha Ponto 3º, Artigu 11o, nebé koalia:

"No caso de pedidos individuais de apoio por cidadãos Timorenses, compete ao Secretariado a coordenação da selecção por mérito e submissão dos mesmos ao Conselho de Administração."

Programa ne'e, bele mós aplika, wainhira iha parceria entre estadu RDTL ho Instituisaun ruma nebé fornese Bolsas metade ka Inan-Aman sira ne'be selu rasik sira nian oan, tantu atuobre Propinas ka Kustu de Vida ka orsamentu ruma nebé hetan konkordansia atu fahe ka partilha recurso entre Instituisaun 2 husi Estadu RDTL ho parceiro ruma interna ka externa (rai-liur).

3.3.4.Tipu Formasaun Seluk (Outros Tipos de Formação) – (Kodigu Orsamentu 813)

Programa ne'e abranje ba apoiu Estajiu Profisional, Peskiza ho Fiskalizasaun ne'ebe ho ninia benefisiariu hahu husi 2011 to'o ohin loron 11,907 husi número ne'e Feto 4,150 no Mane 7,757. Programa ne'e hanesan mós programa sira seluk, apresenta proposta no hetan aprovasaun husi CA-FDCH.

Bazeia ba Livru do Orsamentu no 6, hahu kellas husi tinan fiscal 2011, wainhira fundo ne'e hari'i, tinan-tinan Secretariado do FDCH elabora proposta konaba planu programas tomak nebe mai husi Linhas Ministeriais (LM) acreditadas ba fundo ne'e, no apresenta ba CA-FDCH hodi hetan aprovasaun ba planus hirak ne'e, hafoin encaminha ba Direção Geral das Finanças do Estadu iha Ministério das Finanças hodi halo súmario no ajusta iha Livro no 6.

Hafoin, sumário nebé MdF kompila sei apresenta ba iha Comissão de Revisão do Orçamento Política (CROP) prezida husi Primeiro Ministro da RDTL nudar Presidente do CROP.



Depois hetan tiha aprovisaun husi CROP, proposta orsamentu ne'e sei lori fali ba iha Conselho de Ministros (CdM) hodi deskute final no lori ba iha Parlamento Nacional atu hetan mós aprovisaun, antes atu lori ba iha Presidente da República atu promulga.

3.4. Relasaun Parseria entre Secretariado FDCH, Liñas Ministeriais no Parceiro Sira Seluk.

Programas nebé finansiadu husi FDCH, maioria finansia planus no programas prioridades ba dezenvolvimentu recursos individus iha orgaun estadu tomak iha RDTL, inkuindu LM, Orgaun Autonomas , Centro Formasaun, membrus CCI (Câmara do Comercio e Industria) no Públiku Timor-Oan tomak nebé assessu orsamentu liu husi instituisaun do estadu ida.

Setor privadu ka públiku Timor-Oan seidauk permite atu iha ligasaun direta mai Secretariado FDCH atu iha verba rasik ka assessu rasik ba orsamentu no hakerek iha livru no 6.

Tanba ne'e, relasaun entre FDCH liu husi Secretariado FDCH nian ho orgaun estadu no governu sira ma'ak sei halo parceria atu nune'e bele involve individu ka instiuisaun nebé deit hodi bele hola parte liu husi kontratu de parceria ruma hodi hetan apoiu orsamentu bazeia ba programa no prioridades mai husi LM sira no aprova dahuluk iha CA-FDCH.



"Sidadaun ida-idak ho nia planu ida ba moris, ho matadalan ne'ebe klaru no akonsellamentu adekuada kona-ba oportunidade ba edukasaun, forma-saun no diferente opsaun profision-al"

(Taur Matan Ruak, Discurso do 1º Ministro - Tomada de Posse 22 - 06 -2018)





REPÚBLICA DEMOCRATICA DE TIMOR-LESTE
Ministério do Ensino Superior Ciéncia e Cultura (MESCC)
Secretariado Técnico
FUNDO DE DESENVOLVIMENTO DO CAPITAL HUMANO - FDCH
Eis Edifício do MF Edifício 5, 1º Andar, Palácio do Governo, Dili, Timor-Leste .



Vizita Ami iha



website ofisial FDCH
www.fdch.gov.tl

Eis Edifílio do MF Edifílio no.5, 1º Andar, Palácio do Governo,
Dili, Timor-Leste